



Bošnjačko nacionalno vijeće

Bilten

Periodično informativno glasilo
Bošnjačkog nacionalnog vijeća,
Broj 4. decembar 2015.

IZMJENE I DOPUNE AKCIONOG PLANA ZA MANJINE PREDSTAVLJENE JAVNOSTI



REFIK LIČINA DOBITNIK NACIONALNE NAGRADE
„PERO ĆAMILA SIJARIĆA“ ZA 2015. GODINU



PREDSJEDAVAJUĆI VIJEĆA MINISTARA BIH
POSJETIO BNV



MANJINE U BRISELU ZAJEDNO ZA BOLJU BUDUĆNOST



U ovom broju:

Umjesto uvodnika:

Strana

- MANJINE U BRISELU ZAJEDNO ZA BOLJU BUDUĆNOST.....	5
- NACIONALNI SIMBOLA BOŠNJAKA SANDŽAKA ZLOUPOTRIJEBLJENI NA PROTESTIMA U CRNOJ GORI.....	6
- PREDSTAVNICI OEBS-A U BNV-U: SARADNJA NA PROJEKTIMA RODNE RAVNOPRAVNOSTI.....	6
- BOŠNJAČKE KULTURNE ČITANKE PODIJELJENE OSNOVCIMA U NOVOM PAZARU.....	7
- ČVRSTE VEZE SA TURSKOM I SANDŽAČKOM DIJASPOROM.....	8
- TIKI NASTAVLJA SARADNJU SA VIJEĆEM.....	8
- PREZENTACIJA PROJEKTA "SANDŽAČKE KUĆE" U BRISELU.....	9
- HATARNAMU ZBOG TRAGIČNO STRADALIH U TERORISTIČKOM NAPADU.....	10
- KONFERENCIJA U SUBOTICI: SVIM MANJINAMA ISTA PRAVA.....	10
- PREDSTAVNICI BNV-A NA RADNOM SASTANKU SA DAČIĆEM.....	11
- ZAJEDNIČKA SJEDNICA SVIH ODBORA: BNV I TIKI REALIZUJU NOVE ZAJEDNIČKE PROJEKTE.....	12
- BOŠNJACI DOBIJAJU KULTURNI CENTAR U PRIZRENU.....	12
- 23 GODINE OD OTMICE: DRŽAVA MORA DA RIJEŠI ZLOČIN U SJEVERINU.....	13
- DELEGACIJA BNV-A U POSJETI ZENICI.....	13
- POTPREDSJEDNIK BH ENTITETA REPUBLIKE SRPSKE U BNV-U: VAŽNA SARADNJA BOŠNJAČKIH INSTITUCIJA.....	14
- ZAVRŠEN PRIJEDLOG STANDARDA POSTIGNUĆA UČENIKA ZA BOSANSKI JEZIK.....	14
- BNV NIZOM MANIFESTACIJA OBILJEŽILO DANA SAMOOPREDJELJENJA.....	15
- MEDIJI U SRBIJI VRŠE ORKESTRIRANU KAMPANJU PROTIV BOŠNJAKA.....	20
- BNV OSUĐUJE NOVI POKUŠAJ DESTABILIZACIJE REGIONA.....	20
- BNV ZAHITIJEVA SANKCIONISANJE HUŠKAČKIH MEDIJA.....	21
- PREDSEDNIK UGLJANIN POSJETIO AMBASADORA MAROKA.....	22
- MEDIJI U SRBIJI PRIKRIVAJU POTPISIVANJE VAŽNIH SPORAZUMA ZA BOŠNJAKE.....	22
- FESS 2015: SANDŽAČKA SEVDALINKA PONOS BOŠNJAČKE KULTURE I TRADICIJE.....	23
- BOŠNJAKE SANDŽAKA RADUJE SARADNJA IZMEĐU SRBIJE I BIH.....	26
- KONFERENCIJA U SREBRENICI:	
BUDUĆNOST ZAVISI OD SPREMNOSTI NA DIJALOG LEGITIMNIH PREDSTAVNIKA.....	26
- PREDSTAVNICI NVO SA KOSOVA U POSJETU BNV-U: KOSOVO ZA SANDŽAK.....	27
- SAUČEŠĆE PREDSEDNIKA BNV POVODOM TERORISTIČKIH NAPADA U PARIZU.....	27
- IZBACITI GOVOR MRŽNJE IZ NASTAVNIH PROGRAMA I UDŽBENIKA U SRBIJI.....	28
- DAN SANDŽAKA U DUHU ZAJEDNIČKE HISTORIJE, KULTURE, TRADICIJE I JEZIKA.....	29
- POSJETA PREDSTAVNIKA AMBASADE VELIKE BRITANIJE BOŠNJAČKOM NACIONALNOM VIJEĆU.....	32
- VLADA REPUBLIKE SRBIJE DEGRADIRA REPUBLIČKI SAVJET ZA NACIONALNE MANJINE.....	33
- DRUGI NTC PROGRAM ZA ODGAJATELJE I UČITELJE U NASTAVI NA BOSANSKOM JEZIKU.....	34
- DELEGACIJA BNV-A U POSJETI SLOVENIJI.....	34
- BNV NAPUSTILO RADNU GRUPU ZA IZRADU AKCIONOG PLANA ZA OSTVARIVANJE PRAVA NACIONALNIH MANJINA.....	35
- BNV ČESTITALO DAN ALBANSKE NACIONALNE ZASTAVE.....	35
- ZAHITIJEVAMO KONSTRUKTIVAN ODNOS U RADNOJ GRUPI ZA IZRADU AKCIONOG PLANA.....	36
- POSEBNA SJEDNICA VIJEĆA: PRIJEDLOG IZMJENA AKCIONOG PLANA ZA MANJINE OSNOV ZA TRAJNO RJEŠENJE BOŠNJAČKOG PITANJA U SRBIJI.....	40
- IZMJENE I DOPUNE AKCIONOG PLANA ZA MANJINE PREDSTAVLJENE JAVNOSTI.....	40
- PRIJEDLOG BOŠNJAČKOG NACIONALNOG VIJEĆA IZMJENA I DOPUNA AKCIONOG PLANA ZA OSTVARIVANJE PRAVA NACIONALNIH MANJINA U OKVIRU PREGOVARAČKOG POGLAVLJA 23.....	41
- VLADA DA OBJASNI ZAŠTO I SA KOJIM CILJEM IGNORIŠE PROBLEME BOŠNJAKA.....	45
- KOORDINACIJA NACIONALNIH SAVJETA TRAŽI STVARANJE USLOVA ZA POVRATAK BNV U RADNU GRUPU.....	46
- RIJEŠITI STATUSNA I OSTALA PITANJA OD ZNAČAJA ZA BOŠNJAKE.....	46
- BNV TRAŽI SASTANAK SA MINISTROM POLICIJE.....	47
- ZAŠTITNIK GRAĐANA: OŠ "SELA KOVAC" IMA PRAVO NA PROMJENU NAZIVA U "AVDO MEĐEDOVIĆ".....	47
- PREDSEDNIK BNV POSJETIO AMBASADORA HRVATSKE: IZRADITI LEGITIMAN AKCIONI PLAN ZA MANJINE.....	48
- IZBOR JAVNIH TUŽIOCA U NOVOM PAZARU I UŽICU:	
ZAUSTAVITI DISKRIMINACIJU I ISPRAVITI NEPRAVDU U PRAVOSUĐU PREMA BOŠNJACIMA.....	48
- U BNV PREDSTAVLJEN PRIJEDLOG OBRAZOVNIH STANDARDI: RAZVOJ STANDARDI ZA BOSANSKI JEZIK.....	49
- PREDSEDNIK BNV POSJETIO AMBASADORA RUMUNIJE: INICIJATIVA ZA IZRADU LEGITIMNOG AKCIONOG PLANA ZA MANJINE.....	50
- UČENJE KROZ IGRU BRŽE RAZVIJA FUNKCIONALNO ZNANJE DJECE.....	50
- PETA REDOVNA SJEDNICA VIJEĆA:	
USVOJEN REBALANS BUDŽETA ZA 2015. I BUDŽET ZA 2016. GODINU.	
BNV POSJETIO PREDSEDavajući VIJEĆA MINISTARA BIH DENIS ZVIZDIĆ.....	51



Izdavač: Bošnjačko nacionalno vijeće, 28. novembra bb, Novi Pazar, 020 315 608, 314 107, www.bnv.org.rs, glavni.ured@bnv.org.rs,

Matični broj: 17551205, PIB: 103300186, Broj budžetskog računa je: 840-212723-25

Uredio: Informativna služba BNV-a, DTP: Samer Jusović



Umjesto uvodnika

GODINA NAPORNOG RADA I BROJNIH AKTIVNOSTI

Tokom 2015. godine održano je 5 redovnih sjednica Vijeća, dvije posebne sjednice, tri svečane, jedna Svečana akademija, 17 sjednica Izvršnog odbora i pet sesija javne rasprave o reformi političkog sistema Republike Srbije.

Tokom 2015. godine Bošnjačko nacionalno vijeće je obilježilo bošnjačke nacionalne blagdane 11. maj - dan bošnjačke nacionalne zastave, Ramazanski i Kurban Bajram kao i Dan Sandžaka. U sklopu obilježavanja bošnjačkih nacionalnih praznika održani su: Smotra bošnjačkih narodnih igara, promocija Rječnika bosanskog jezika i kulturno-historijske mape Sandžaka, Festival sandžačkih sevdalinke, Sandžački književni susreti u Novom Pazaru i Prijepolju na kojima je i dodijeljena nagrada „Pero Ćamila Sijarića“ književniku Refiku Ličini, kao i Svečana akademija u Sjenici.

U 2015. godini predstavnici Bošnjačkog nacionalnog vijeća su imali 16 susreta sa predstavnicima ambasada i međunarodnih organizacija. Predsjednik Vijeća je tokom 2015. godine učestvovao na seminaru Parlamentarne Skupštine NATO-a u Beogradu, te bio gost Evropskog parlamenta i prisustvovao promovisanju predstavništva Sandžačke kuće u Briselu. 20. aprila Bošnjačko nacionalno vijeće posjetila je Kori Udovički, ministarka državne uprave i lokalne samouprave.

Predstavnici Vijeća su učestvovali na sva tri sastanka republičkog Savjeta za manjine, na 7 sastanaka Koordinacije nacionalnih savjeta nacionalnih manjina i 7 sastanaka Koordinacije sa predstavnicima državnih organa.

Predstavnici Vijeća su učestvovali na svim sastancima Radne grupe za izradu Akcionog plana za manjine do 23. novembra 2015. godine kada su i istupili iz iste. Predstavnici Vijeća učestvovali su na 39 skupova, tribina, okruglih stolova i sastanaka posvećenih izradi Akcionog plana za manjine.

Vijeće je delegiralo predstavnika u Radnim grupama za izradu manjinskog zakonodavstva.

Bošnjačko nacionalno vijeće je također upitalo niz zahtjeva nadležnim državnim organima da se iz privatizacije izuzme RTV Novi Pazara koja je proglašena ustanovom od posebnog značaja za Bošnjake, se Bošnjacima omogućilo ostvarivanje ustavom garantovano pravo na informisanje na bosanskom jeziku. Državni organi oglašili su se o zahtjeve BNV-a, čime su Bošnjacima uskratili korišćenje Ustavom garantovanog prava na informisanje na maternjem Bosanskom jeziku.

BNV je također, tokom 2015. godine pokrenulo niz postupka pred Zaštitnikom građana, svi oni koji su okončani, potvrdili su ispravnost pritužbi Vijeća. BNV je pred Ustavnim sudom pokrenulo postupak za ocjenu ustavnosti i zakonitosti budžeta grada Novog Pazara za 2015.godinu.

21. februar – Međunarodni dan maternjega jezika obilježen je protestom „ZA PRAVNU SIGURNOST, JEDNAKOST PRED ZAKONOM I EVROPSKU BUDUĆNOST“ i seminarima o bosanskom jeziku.



RETROSPEKTIVA RADA VIJEĆA U 2015. GODINI

U prostorijama Bošnjačkog nacionalnog vijeća danas je održana završna konferencija za novinare Bošnjačkog nacionalnog vijeća za 2015. godinu na kojoj su govorili predsjednik Vijeća, dr. Sulejman Ugljanin i sekretar Vijeća Ahmedin Škrijelj.

U svom obraćanju predsjednik Bošnjačkog nacionalnog vijeća dr. Sulejman Ugljanin istakao je da Bošnjačko nacionalno vijeće učestvuje u četiri važna programa na evropskom putu Srbije: reformi političkog sistema Srbije, izradi manjinskog Akcionog plana za Poglavlje 23 i drugih pregovaračkih poglavlja, izradi novog sistemskog zakona za regulisanje prava manjina i lobiranju za usvajanje Rezolucije o genocidu u Srebrenici u Skupštini Srbije.

Govoreći o multietničkom Sandžaku predsjednik Ugljanin je naglasio da u njemu vijekovima žive zajedno u harmoniji ljudi različitih nacionalnosti: Bošnjaci, Srbi, Crnogorci i Albanci i različitih religija: muslimani, pravoslavci i katolici i da upravo ovih dana pripadnici svih naroda i sve tri religije obilježavaju svoje blagdane i tim povodom uputio svima najiskrenije čestitke.



Vijeće je podržalo Rezoluciju za rješavanje statusa nacionalnih manjina u Republici Srbiji koja je podnijeta Skupštini Srbije na usvajanje 2. februara ove godine, a od strane manjinske poslaničke grupe SDA Sandžaka-PDD i zatražilo od Narodne skupštine R. Srbije da istu usvoji.

Na osnovu odluke Bošnjačkog nacionalnog vijeća od 15. maja 2015. godine izdat je proglas o osudi odluke o rehabilitaciji vođe fašističko-četničkog pokreta u Srbiji Draže Mihailovića.

Vijeće je na svojoj posebnoj sjednici održanoj 10. jula 2015. povodom obilježavanja DANA SJEĆANJA na žrtve genocida u Srebrenici zatražilo od Narodne Skupštine Republike Srbije da usvoji Rezoluciju o genocidu u Srebrenici podnijetu od strane manjinske poslaničke grupe SDA Sandžaka -PDD.

20. augusta – Svečanom sjednicom Vijeća i dodjelom plakete Mustafi Kahramanyolu obilježena je 98. godišnjica Sjeničke konferencije iz 1917. godine. BNV je 13. i 14. august proglasilo za dane od posebnog značaja za sandžačke Bošnjake. Na istoj sjednici dani 25. 26. i 27. oktobar proglašeni su za dane samoopredjeljenja i dane od posebnog značaja za Bošnjake.

25. 26. i 27. oktobra Vijeće je obilježilo dane od posebnog značaja za sandžačke Bošnjake – Dane samoopredjeljenja koji se obilježavaju u čast referenduma o Autonomiji Sandžaka iz 1991. godine. Održana je svečana sjednica Vijeća. U svim sandžačkim gradovima predsjednik Vijeća susreo se sa mladima, dok su za djecu organizirane predstave "Oktobarski ljiljani".

Na sjednici održanoj 25. Oktobra 2015 godine, BNV je usvojilo sporazum o saradnji sa Bošnjačkim vijećem u Crnoj Gori.

30. novembra održana je Posebna sjednica Vijeća povodom okolnosti nastalih u vezi izrade Akcionog plana za manjine u okviru poglavlja 23. Na posebnoj sjednici Vijeća usvojen je prijedlog za izmjenu i dopunu Akcionog plana za manjine. Sa tim prijedlogom upoznati su predstavnici domaćih i međunarodnih organizacija i institucija.

29. decembra održana je Svečana sjednica povodom posjete dr. Denisa Zvizdića, predsjedavajućeg Vijeća ministara BiH.

U 2015. godini, Bošnjačko nacionalno vijeće organiziralo je osam manifestacija kojima su obilježeni bošnjački nacionalni blagdani i datumi od posebnog značaja za Bošnjake, odnosno Dan školstva na bosanskom jeziku, Dan bošnjačke nacionalne zastave, Dan sjećanja, Ramazanski i Kurban bajram, godišnjica Sjeničke konferencije iz 1917. godine, Dani samoopredjeljenja i Dan Sandžaka.

Bošnjačko nacionalno vijeće je u 2015. godini izradilo 3 projekta kojim je konkurisalo kod Ministarstva kulture i informisanje u okviru poziva za sufinansiranje medija na jezicima nacionalnih manjina (Časopis „Bošnjačka riječ“, SAKS i FESS), za šta su sredstva dobijena a projekti realizovani.

Tokom 2015. godine, rad Bošnjačkog nacionalnog vijeća naročito je bio usmjeren na unapređenje obrazovanja na bosanskom jeziku i stručno usavršavanje nastavnog osoblja uključenog u obrazovni proces na bosanskom jeziku. BNV je organizovalo sedam programa stručnog usavršavanja nastavnog osoblja. Uz finansijsku podršku Vijeća, Rječnik bosanskog jezika, autora Dževada Jahića promoviran je u svim sandžačkim gradovima, ali i podijeljen bibliotekama u svim gradovima i opštinama u Sandžaku.

Vijeće je organiziralo i dvije tribine o kreativnom učenju, autora dr. Ranka Rajovića, gdje je prva tribina u maju mjesecu bila posvećena nastavnom osoblju, a druga roditeljima krajem mje-

• Tokom 2015. godine održano je 5 redovnih sjednica Vijeća, dvije posebne sjednice, tri svečane, jedna Svečana akademija, 17 sjednica Izvršnog odbora Vijeća i pet sesija javne rasprave o reformi političkog sistema Republike Srbije.

seca decembra. Akreditirani stručni program NTC sistem učenja realizovan je za 115 učitelja, odgajatelja, psihologa, pedagoga i defektologa u nastavi na bosanskom jeziku.

Vijeće je provelo i tri konkursa za djecu i to, likovni i literarni i konkurs za Najbolji slogan za promociju nastave na bosanskom jeziku. Na sva tri konkursa podijeljene su vrijedne robne nagrade, uključujući i 4 laptopa. Bošnjačko nacionalno vijeće je organiziralo tokom mjeseci februara, marta i aprila, školska, općinska i republičko takmičenje iz bosanskog jezika i jezičke kulture.

U saradnji sa projektom „Razvionica“ i Zavodom za vrednovanje kvaliteta obrazovanja i vaspitanja iz Beograda, Vijeće je izradilo obrazovne ishode i standarde za bosanski jezik, a potonji su predstavljeni 19. decembra 2015. godine.

Bošnjačko nacionalno Vijeće izdalo je 48 pozitivnih mišljenja na udžbenike izdavačkih kuća Klett, Kreativni centar, BIGZ i Matematiskop. U saradnji Vijeća i izdavačkih kuća prevedeni su svi udžbenici iz opće obrazovnih predmeta izdavačkih kuća Klett i BIGZ za treći i sedmi razred osnovne škole. Također, prevedeni su i sljedeći udžbenici: Matematika, Priroda i društvo i Likovna kultura za treći razred osnovne škole izdavačke kuće Kreativni centar, kao i Matematika i Zbirka zadataka izdavačke kuće Matematiskop za sedmi razred osnovne škole. Izrađeni su novi udžbenici za bosanski jezik (Čitanka i Gramatika za treći i sedmi razred osnovne škole) za izdavačke kuće Klett i BIGZ. Gramatike za šesti i sedmi razred osnovne škole i Čitanka za treći razred gimnazija i srednjih stručnih škola, iako urađeni u okviru planiranog roka, nisu odobreni od strane Ministarstva prosvjete i to bez ikakvog objašnjenja. Urađeni su i izvršene korekcije nastavnih planova i programa za treći, četvrti, sedmi i osmi razred osnovne škole kao i za treći i četvrti razred srednje škole.

Na poziv Evropske delegacije za stabilizaciju i pridruživanje Srbije, Komiteta Evropskog parlamenta za pitanja manjina na Zapadnom Balkanu i članova Evropskog parlamenta, predsjednik BNV-a i Manjinskog poslaničkog kluba dr. Sulejman Ugljanin i narodni poslanik Enis Imamovic, boravili su 30.9. i 1.10.2015. godine u dvodnevnoj posjeti Briselu i Evropskom parlamentu

MANJINE U BRISELU ZAJEDNO ZA BOLJU BUDUĆNOST

Zajednički zaključci sa seminara „Izazovi i mogućnosti za nacionalne manjine u Srbiji“ održanog u Evropskom parlamentu usaglašeni između predsjednika nacionalnih vijeća bošnjačke, rumunske, slovačke, hrvatske, albanske, mađarske, bugarske, makedonske i romske manjine u Srbiji

SEMINAR U EVROPSKOM PARLAMENTU - BRISEL
„Izazovi i mogućnosti za nacionalne manjine u Srbiji“

Zaključci:

1. Zapaža se da je načinjen pomak od strane Srbije u odnosu na prava nacionalnih manjina i vladavinu prava; naglašava da je potrebno preduzeti dalje korake na putu prema punopravnom članstvu u EU.
2. Iznova se naglašava neophodnost promjene

nacionalnih manjina u državnim organima.

7. Smatra se da se pristup informisanju na materijem jeziku mora poboljšati preko medija koji se finansiraju sa državnog, regionalnog i lokalnog nivoa; poziva Vladu da izuzme iz privatizacije medije koji su proglašeni od posebnog značaja za manjine i da obezbijedi održivo finansiranje;

8. Očekuje se budući Akcioni plan za manjine kao dio pristupnog procesa.



Ustava i usvajanje novog krovnog Zakona o manjinama.

3. Smatra se da sve manjine moraju biti zastupljene u Parlamentu Republike Srbije, Autonomne pokrajine Vojvodine i jedinicama lokalne samouprave.

4. Podvlači se da se treba uzeti u obzir zastupljenost manjina na izborima za lokalne vlasti i u državnim institucijama; zatim, predstavnici nacionalnih manjina trebaju imati pravo odlučivanja u vezi sa usvajanjem novih nacionalnih zakona, naročito onih koji se tiču prava nacionalnih manjina.

5. Poziva se Vlada Republike Srbije da preduzme mjere u vezi sa restitucijom oduzete imovine.

6. Iznova se naglašava potrebu da se poboljša implementacija pravnog okvira o zaštiti manjina naročito u oblasti obrazovanja, upotrebe jezika, vjerske službe, informisanja, kulture i adekvatnog učešća

Učesnici:

Nataša Tošić, član Rumunskog nacionalnog vijeća, predstavnik predsjednika Danijela Petrovića, Jarmila Čendić, član Slovačkog nacionalnog vijeća, Slaven Bačić, predsjednik Hrvatskog nacionalnog vijeća,

Jonuz Musliu, predsjednik Albanskog nacionalnog vijeća,

dr. Sulejman Ugljanin, predsjednik Bošnjačkog nacionalnog vijeća,

Jane Hajnal, predsjednik Mađarskog nacionalnog vijeća, Borče Veličkovski, predsjednik Makedonskog nacionalnog vijeća,

Stefan Stojkov, zamjenik predsjednika Bugarskog nacionalnog vijeća,

Vitomir Mihajlović, predsjednik Romskog nacionalnog vijeća.

Bošnjačko nacionalno vijeće je početkom oktobra najoštrije osudilo zloupotrebu bošnjačkih nacionalnih simbola na protestima tzv. opozicije u Crnoj Gori koji su imali za cilj da onemoguće Crnu Goru da nastavi sa evropskim i evroatlantskim integracijama

NACIONALNI SIMBOLI BOŠNJAKA SANDŽAKA ZLOUPOTRIJEBLJENI NA PROTESTIMA U CRNOJ GORI

Isticanje nacionalne zastave sandžačkih Bošnjaka na pomenutim protestima u Podgorici smišljeno sa ciljem da se nanese šteta ugledu koji Bošnjaci kao narod uživaju kod najvažnijih međunarodnih faktora, institucija i organizacija.



U svom saopćenju BNV je naglasio da su Bošnjaci Sandžaka miroljubiv, civilizovan, kulturn, odgovoran i svjestan narod koji punih 25 godina aktivno učestvuje u demokratskim procesima u regionu kroz Bošnjačko nacionalno vijeće kao najviše legitimno predstavničko tijelo i preko svojih legitimnih političkih predstavnika.

Jedan od glavnih ciljeva Bošnjačkog nacionalnog vijeća i legitimnih političkih predstavnika Boš-

njaka jeste zalaganje za evropske i evroatlantske integracije, za šta već 25 godina dobijaju podršku bošnjačkog naroda.

Članstvom svih država Zapadnog Balkana u Evropskoj uniji i evroatlantskim institucijama i organizacijama stižu se osnovni uslovi za uspostavljanje trajne sigurnosti, saradnje i povjerenja u regionu, što je ideal kojem Bošnjaci Sandžaka teže.

Predstavnice Misije OEBS-a u Srbiji i nevladine organizacije "Centar za žensku podršku" posjetile su 8. oktobra Bošnjačko nacionalno vijeće

SARADNJA NA PROJEKTIMA RODNE RAVNOPRAVNOSTI

Predstavnice ove dvije organizacije su ispred Vijeća primili potpredsjednica Vasvija Gusinac, predsjednica Odbora za službenu upotrebu jezika i pisma Amela Spahić i sekretar Vijeća Ahmedin Škrijelj.

Jelena Jokanović, savjetnica Odjeljenja za demokratizaciju OEBS-a i Milica Rodić, zadužena za manjinska pitanja su zajedno sa Jelenom Srđić, predstavnicom NVO "Centar za žensku podršku" posjetile Bošnjačko nacionalno vijeće.

Cilj posjete je moguća saradnja nacionalnih vijeća nacionalnih manjina u Srbiji i OEBS-a na projektima rodne ravnopravnosti. U razgovorima je posvećena posebna pažnja značaju unapređenja rodne ravnopravnosti i položaja žena u manjinskim zajednicama uopće, sa osvrtom na položaj žena u nacionalnim vijećima nacionalnih manjina.

Predstavnici Vijeća su istakli da je BNV zaintere-



sirano za sve projekte OEBS-a i da posvećuje posebnu pažnju poštovanju rodne ravnopravnosti od svog osnivanja. Također su naglasili i činjenicu da je kvota zastupljenosti žena u organima i tijelima BNV-a, čak i veća nego što je Zakon propisuje.

Donirani udžbenici Bošnjačke kulturne čitanke za III i VII razred osnovne škole

BOŠNJAČKE KULTURNE ČITANKE PODIJELJENE OSNOVCIMA U NOVOM PAZARU

Ovi udžbenici su objedinjeni dodaci sa sadržajima koji predstavljaju posebnosti bošnjačke nacionalne zajednice, a koriste se u nastavi historije, likovne i muzičke kulture i prirode i društva



U osnovnoj školi "Selakovac" u Novom Pazaru organizirana je podjela besplatnih udžbenika osnovnim školama u Novom Pazaru u kojima se izvodi nastava na bosanskom jeziku.

Udžbenike su predstavnicima osnovnih škola u Novom Pazaru uručili prof. dr. Hasim Mekić, predsjednik Izvršnog odbora Vijeća, prof. dr. Fahrudin Mavrić, predsjednik Odbora za kulturu, Mevluda Melajac, književnica i predsjednik Odbora za informisanje, Amela Sadović, član Odbora za obrazovanje, Sabahudin Selmanović član Odbora za kulturu i jedan od koautora kulturnih čitanke kao i Emina Škrijelj-Ganić, koautorica dodataka iz likovne kulture u oba udžbenika.

Ahmedin Đerlek, direktor škole u Selakovcu, koja do sada ima potpunu nastavu na bosanskom jeziku, je tokom podjele izrazio zahvalnost Vijeću za donirane udžbenike, te istakao da se kroz udžbenike njeguje i čuva bošnjačka tradicija i kultura.

Prof. dr. Hasim Mekić, predsjednik Izvršnog odbora Vijeća je naglasio značaj Bošnjačkih kulturnih čitanke za nastavu na bosanskom jeziku, ali i istakao da će se slični projekti nabavke udžbenika organizirati i narednih školskih godina.

Emina Škrijelj-Ganić, koautorica oba udžbenika



Sastanak sa predstavnicima osnovnih školama u Novom Pazaru na kojem su uručeni besplatni udžbenici, Novi Pazar, OŠ "Selakovac", 7. oktobar, 2015. godine



je ispred autorskog tima poželjela sreću učenicima koji će koristiti Bošnjačke kulturne čitanke u nastavi. Mevluda Melajac, književnica i predsjednica Odbora za informisanje je govoreći o doniranim udžbenicima naglasila da su sadržaji udžbenika važni kako za djecu tako i za njihove roditelje kojima je godinama unazad bila uskraćena prilika da izučavaju svoj jezik i kulturu u školama.

Do sada je 6 osnovnih škola u Sjenici i 12 osnovnih škola u Novom Pazaru dobilo besplatne udžbenike, a u narednom periodu bit će organizirano uručenje besplatnih udžbenika i u preostalim gradovima i opštinama u Sandžaku, za one osnovne škole u kojima se nastava izvodi na bosanskom jeziku.

**Legitimni predstavnici Bošnjaka na poziv premijera Republike Turske Ahmeta Davutoglu
u višednevnoj posjeti Turskoj**

ČVRSTE VEZE SA TURSKOM I SANDŽAČKOM DIJASPOROM

Na poziv premijera Republike Turske gospodina Ahmeta Davutoglu delegacija Bošnjačkog nacionalnog vijeća i SDA Sandžaka boravila je u višednevnoj posjeti Republici Turskoj.

Predsjednik BNV-a dr. Sulejman Ugljanin i narodni poslanik Enis Imamović sastali su se i sa ostalim turskim zvaničnicima i predstavnicima sandžačke dijasfore u Izmiru.

Predsjednik turske vlade Ahmet Davutoglu organizirao je u Izmiru svečanu večeru na koju je pozvao najviše legitimne predstavnike Bošnjaka Sandžaka i drugih bratskih naroda sa Balkana.



Koordinator Turske razvojne agencije TİKA, g-din Mehmet Bayrak posjetio BNV

TIKA NASTAVLJA SARADNJU SA BOŠNJAČKIM NACIONALNIM VIJEĆEM

**Cilj posjete je upoznavanje sa radom i projektima Bošnjačkog nacionalnog vijeća,
te nastavak i unapređenje saradnje na projektima iz nadležnosti Vijeća**

Na sastanku koji je održan 10. oktobra, predstavljeni su projekti za naredni period Bošnjačkog nacionalnog vijeća u oblastima kulture i informisanja, službene upotrebe jezika i pisma i obrazovanja na bosanskom jeziku. Poseban značaj je dat očuvanju materijalne kulturne baštine u Sandžaku koja je veoma ugrožena i ruinirana.

Predstavnici BNV-a su izrazili zahvalnost na dosadašnjoj pomoći u mnogim projektima koje je TİKA finansijski podržala uključujući i zadnji projekat „Bošnjačka kulturna čitanka“ za učenike 3. i 7. razreda osnovnih škola.

Predstavnici Vijeća su istakli da je ovakva vrsta pomoći veoma važna i značajna i da će Vijeće i naredne godine aplicirati za ovakve i slične projekte.



Ispred Bošnjačkog nacionalnog vijeća sastanku su prisustvovali potpredsjednici prof. Vasvija Gusinac i prof. dr. Redžep Škrijelj, predsjednik Izvršnog odbora prof. dr. Hasim Mekić i sekretar Vijeća Ahmedin Škrijelj.

U Briselu je 14. oktobra u prostorijama „Bastion Tower“, u organizaciji „Sandžačke kuće“ predstavljena prekogranična turistička regija čiji osnov čine 23 opštine iz šest država Zapadnog Balkana

PREZENTACIJA PROJEKTA “SANDŽAČKE KUĆE” U BRISELU

Na prezentaciji su prisustvovali predstavnici Evropskog parlamenta, Evropske komisije, diplomatskog kora, predstavnici partnerskih opština i druge zvanike

Ovo predstavljanje je rađeno u organizaciji i pod pokroviteljstvom „Sandžačke kuće Brisel“. Cilj predstavljanja jeste dobijanje podrške Evropskog parlamenta i Evropske komisije, prvenstveno za opštine koje su aktivno uključene u ovaj veliki projekat.

Turizam je pokretačka snaga za ubrzavanje privrednog razvoja i dobar osnov za saradnju među narodima koji su uprkos političko izuzetno osjetljivom području spremni iskreno sarađivati ka zajedničkom cilju – borba protiv siromaštva i održivi razvoj.

Ovo je bila druga zvanična posjeta delegacije Bošnjačkog nacionalnog vijeća Briselu u septembru i oktobru ove godine.

Prisutnima se obratio dr. Sulejman Ugljanin, predsjednik Bošnjačkog nacionalnog vijeća:

“Dragi gosti, predstavnici evropskog parlamenta, članovi diplomatskog kora, naši prijatelji partneri iz



kogranične saradnje Sandžaka izašla ideja puno šire saradnje – prekogranične saradnje Zapadnog Balkana.

Iskustva ljudi sa terena koji su, uprkos političko izuzetno osjetljivom području, spremni iskreno sarađivati ka zajedničkom cilju – razvoju turizma, je osnova na kojoj inicijativna grupa gradi projekat razvoja turizma.

Radi se o jednoj od najsiriomašnjih regija u kojoj je procenat nezaposlenosti veoma visok, čak 50%, prije svega među mladima.

S razvojem turizma i omogućavanjem zaposlenja u domaćem kraju spriječit ćemo brojne migracije sa tog prostora i najefikasnije iskorijeniti sve vrste nacionalizma, što je od izuzetne važnosti, naročito u tim turbulentnim vremenima.

Turizam je pokretačka snaga za ubrzavanje privrednog razvoja, koji onda pospješuje saradnju među narodima koji žive na ovom području. U isto vrijeme, ovaj je proces primjer koji ima pozitivan uticaj na regiju i šire.

Dozvolite mi na kraju da vam poželim puno uspjeha na putu ka realizaciji ovog jedinstvenog projekta saradnje. Sve najbolje!”

Albanije, Bosne i Hercegovine, Crne Gore, Hrvatske, Kosova, Slovenije i Srbije! Dobro nam došli u Sandžačku kuću Brisel!

Tu nevladinu organizaciju smo u Briselu ustanovili prije tri godine s ciljem prekogranične saradnje i povezivanja ljudi iz Sandžaka, regije koja je podijeljena na jugozapadnu Srbiju i sjeveroistočnu Crnu Goru, ali je zapravo teritorijalna jedinica sa zajedničkom historijom, kulturom, tradicijom i jezikom. Jedinica u kojoj već vjekovima zajedno žive u harmoniji ljudi različitih nacionalnosti i različitih vjeroispovijesti – muslimani, pravoslavci i katolici.

Izuzetno mi je drago i ponosan sam da je iz pre-



Povodom pogibije nedužnih ljudi u terorističkom aktu 10. oktobra u Ankari, predsjednik Vijeća Dr. Sulejman Ugljanin uputio hatarnamu ambasadoru Republike Turske u Beogradu, Nj.E. Mehmetu Kemal Bozayu

HATARNAMA ZBOG TRAGIČNO STRADALIH U TERORISTIČKOM NAPADU

U hatarnami se kaže:

"Vaša ekscelencija gospodine Bozay,

Sa velikom tugom smo primili jutrošnju vijest o velikom broju tragično stradalih ljudi u terorističkom aktu u Ankari, koja je duboko pogodila sve nas u Sandžaku.

U ime Bošnjačkog nacionalnog vijeća i u svoje lično

ime šaljem najdublje izraze saučešće zbog velikog gubitka života nedužnih ljudi. Naše misli i saosjećanja su sa svima onima koje je zadesila ova velika nesreća.

Molim Vas da prenesete naše iskrene izraze saučešća porodicama stradalih, Predsjedniku i Vladi Republike Turske i cijelom turskom narodu."

U Subotici je 13. oktobra održana konferencija pod nazivom „Predstavljanje najbolje prakse u oblasti nacionalnih manjina u Mađarskoj“

SVIM MANJINAMA ISTA PRAVA

Konferenciju su otvorili ministri pravde Srbije i Mađarske, Nikola Selaković i Laslo Tročanj, koji su govorili o zajedničkom naporu na rješavanju određenih pitanja, a posebno poboljšanju položaja manjina

U ime Bošnjačkog nacionalnog vijeća na konferenciji je učestvovao potpredsjednik Muhedin Fijuljanin, koji je raspravi posvećenoj problematiki zaštite manjinskih prava, kao i radu na Akcionom planu za manjine, ukazao na činjenicu tzv. asimetrije u poštovanju manjinskih prava u Srbiji, odnosno postojanje jedne prakse na području Vojvodine, a sasvim druge i drugačije u ostalim dijelovima Srbije.

„Ako želimo vladavinu prava, pravnu jednakost, koje su temeljne vrijednosti Evropske unije, a iz kojih slijedi pravna sigurnost, onda moramo ujednačiti standarde. U suprotnom, bojim se da ćemo imati diskriminaciju“, kazao je u vezi sa tim Fijuljanin.

On je istakao da postojanje manjina u Srbiji nije bezbjedonosni rizik, već da je bezbjedonosni rizik nepostojanje prava manjina i da je u tom pravcu neophodno načiniti odlučne korake ka uvažavanju manjina i njihovoj adekvatnoj ustavno-pravnoj zaštiti.

Osvrćući se na navođenje primjera iz Južnog Tirola kao primjera dobre prakse u pogledu uređenosti i, posebno, zastupljenosti manjina u javnim službama, Fijuljanin je istakao da o Južnom Tirolu mogu da govore svi i da tu nema spora, ali da kada o tome govore Bošnjaci iz Sandžaka onda se tome daju najraznovrsnije konotacije i karakterise na ovaj ili onaj način.

U radnom dijelu konferencije o iskustvima Mađarske u regulisanju, primjeni i zaštiti manjinskih prava, posebna izlaganja imali su mađarski stručnjaci iz ove oblasti: Ferenc Kalmar – ministarski povjerenik odgovoran za politiku susjedstva u Ministarstvu vanjskih poslova i trgovine Mađarske, Peter Varga – Državni sekretarijat za narodnu politiku Kancelarije premijera



Mađarske i dr Hajnalka Juhasz – iz Ministarstva pravde Mađarske. O praksi zaštite manjinskih prava na području AP Vojvodina govorio je Mihaly Nyilas, pokrajinski sekretar u Vladi AP Vojvodina za obrazovanje, javnu upravu i nacionalne manjine/nacionalne zajednice i predstavnik Asocijacije vojvođanskih Mađara.

Na konferenciji je posebno istaknuto da manjine mogu najviše postići upravo u postupku pristupanja njihovih zemalja Evropskoj uniji, a da zemlja kandidat mora udovoljiti najvišim standardima kada su u pitanju manjinska prava. U tom smislu kroz akcione planove mora se sve jasno i precizno definisati, a ono što je Srbija preuzela prihvatanjem određenih međunarodnih dokumenata mora se poštovati i primjenjivati, uz obezbjeđenje poštovanja principa stečenih prava.

Na konferenciji i radionici posvećenoj predstavljanju najboljih praksi u zaštiti prava manjina u Mađarskoj, prisustvovali su predstavnici Ministarstva pravde, Ministarstva državne uprave i lokalne samouprave, Ministarstva prosvjete, nauke i tehnološkog razvoja, predstavnici drugih ministarstava u vladama Srbije i Mađarske, predstavnici nacionalnih vijeća iz Srbije, kao i eksperti i članovi Radne grupe za izradu Akcionog plana za manjine.

U Beogradu je 16. oktobra održan radni sastanak koji je sa predstavnicima nacionalnih vijeća organizirao ministar spoljnih poslova i prvi potpredsjednik Vlade Srbije Ivica Dačić

PREDSTAVNICI BNV-A NA RADNOM SASTANKU SA DAČIĆEM

U ime Bošnjačkog nacionalnog vijeća sastanku je prisustvovao narodni poslanik Enis Imamović, koji je zahtijevao da "Vlada i sve državne institucije sa svoje strane pokažu puno poštovanje za odluke Bošnjačkog nacionalnog vijeća", kao i za prijedloge koje daju legitimni predstavnici Bošnjaka u cilju što efikasnijeg pregovaranja, pogotovo u oblastima poglavlja 23 i 24 pretpristupnih pregovora

Imamović je iznio stav da bošnjački narod u Srbiji preko Bošnjačkog nacionalnog vijeća kao najvišeg predstavničkog tijela i preko svojih legitimnih predstavnika u Parlamentu već decenijama pokušava da sva svoja pitanja riješi u okviru institucija sistema države.

"Mi dajemo svoj puni doprinos procesu evropskih integracija i želimo da pomognemo Srbiji u otklanjanju svih prepreka na njenom putu ka Evropskoj uniji, ali to nećemo raditi tako što ćemo odustajati od prava koja pripadaju Bošnjacima i tako što ćemo činiti štetu interesima bošnjačkog naroda u Srbiji".

"Bošnjaci su autohton narod u Sandžaku i pitanje Bošnjaka je unutrašnje pitanje u nadležnosti države Srbije, međutim mi imamo trend da država i državni organi ne poštuju ono što Bošnjacima daju Ustav i zakoni Srbije" i podsjetio da do danas niko nije kažnjen, neko ko prema Bošnjacima ne poštuje zakon.

Imamović je istakao da zakoni koji se tiču prava nacionalnih manjina nemaju nijednu kaznenu odredbu za one koji ih krše i podsjetio na slučaj sa izmjenom zakona o udžbenicima kada je ministar obrazovanja Verbić izabrao da prekrši Zakon o nacionalnim manjinama i nacionalnim savjetim, upravo zbog nedostatka kaznenih odredbi.

On je upozorio na činjenicu da se u zakonima Srbije uvodi praksa da se prava manjinama daju jednim zakonom, a oduzimaju već sljedećim. Kao rješenje je naglasio neopohodno donošenje krovnog zakona o manjinama kojim bi jasno definisali položaj i prava pripadnika svih naroda, kao i sve oblasti od značaja za njih.

"Pored ovog krovnog zakona sa njim je neophodno i sinhronizirati ostale zakone koji se tiču nacionalnih zajednica, a s' obzirom da smo ušli i u proces razgovora oko promjene Ustava i politickog sistema usaglasiti ih i sa ovim aktima".

Govoreći o pitanju finansiranja BNV-a, Imamović je

upozorio na činjenicu da "Vlada i Ministarstva tolerišu kršenje zakona od strane gradske uprave Novog Pazara koja već godinama unazad ne izdvaja ni jedan jedini dinar za rad Bošnjačkog nacionalnog vijeća, iako je to grad u kome živi preko 80% Bošnjaka".



Neshvatljivo je da Ministarstvo državne uprave izbjegava da izvrši upravni nadzor nad odlukama Grada Novog Pazara i da na taj način tolerišu bezakonje i pored činjenice da je i Zaštitnik građana Saša Janković izdao preporuku da se ispravi to kršenje zakona o finansiranju.

U oblasti obrazovanja je zabrinjavajuća činjenica da se dozvoljava grubo kršenje Ustava i zakona, pa čak i Zaključka koji je na prijedlog tadašnjeg manjinskog ministra dr. Sulejmana Ugljanina, Vlada usvojila 1. novembra 2013. godine. Iako je u ovom Zaključku Vlade određen i jasan program mjera za obrazovanje Bošnjaka, danas direktorima škola dozvoljava da suspenduju odluke Vlade, pa se postavlja pitanje da li je to direktor škole jači od Vlade ili ipak uživa zaštitu Vlade u kršenju prava Bošnjaka.

"BNV i Koordinacija nacionalnih savjeta uputili su odluku i zahtjev da se iz privatizacije izuzmu mediji koji su proglašeni od izuzetnog značaja za manjine, međutim ni ova kao ni mnoge druge odluke nisu uvažene niti ispoštovane, a tako je i sa svim odlukama koje donose nacionalna vijeća" upozorio je Imamović, podsjetivši da je Regionalna televizija Novi Pazar, privatizovana uz brojna kršenja zakona i mahinacije i to u toku sastanka predstavnika BNV sa ministrom Tasovcem na tu temu.

Imamović je pozvao ministra Dačića da u cilju adekvatnog rješavanja svih manjinskih pitanja, on lično utiče na to da Vlada i državni organi i institucije poštuju odluke i prijedloge legitimnih organa, institucija i manjinskih narodnih poslanika kao ovlaštenih predstavnika naroda.

Održana zajednička sjednica svih odbora Bošnjačkog nacionalnog vijeća

BNV I TIK A REALIZUJU NOVE ZAJEDNIČKE PROJEKTE

Predsjednik IO Vijeća, prof. dr. Hasim Mekić upoznao je članove odbora o održanom sastanku sa delegacijom Turske razvojne agencije (TIKA) na kojem je dogovoreno da Vijeće dostavi TIKI prijedloge projekata čija će realizacija biti od velikog značaja za Bošnjake

Na sjednici su Odbori zaduženi da iz svojih oblasti, a najkasnije do 15. novembra 2015. godine, izrade prijedloge projekata koji će bit dostavljeni Turskoj razvojnoj agenciji na razmatranje te i realizaciju.

Na sjednici je bilo riječi o prethodnim, ali i budućim aktivnostima Vijeća u kojima će i odbori, kao organi Vijeća, imati velikog udjela.

Bošnjačko nacionalno vijeće ima pet odbora i to: Odbor za obrazovanje na bosanskom jeziku, Odbor za službenu upotrebu jezika i pisma, Odbor za kulturu, Odbor za informisanje, te novoformirani Odbor za nadzor i kontrolu ostvarivanja prava Bošnjaka u Republici Srbiji.



Predsjednik BNV-a dr. Sulejman Ugljanin i narodni poslanik Enis Imamović prisustvovali svečanosti postavljanja kamena temeljca za izgradnju Bošnjačkog kulturnog centra u Prizrenu

BOŠNJACI DOBIJAJU KULTURNI CENTAR U PRIZRENU

“Bošnjaci evropski, civilizovan i miroljubiv narod nad kojim je izvršen genocid u Srebrenici kao najveći ratni zločin na tlu Evrope od kraja Drugog svjetskog rata”, naglasio je u svom obraćanju prisutnima predsjednik Ugljanin

Ugljanin je naglasio da je pitanje Bošnjaka na prostoru Zapadnog Balkana, nakon presuda Haškog tribunala iz 2004. i Međunarodnog suda pravde iz 2007. godine prestalo da bude samo pitanje jednog naroda i jedne države, već da je to postalo pitanje čitavog ljudskog roda, što upravo potvrđuje i današnje prisustvo velikog broja ambasadora na bošnjačkoj svečanosti u Prizrenu.

Dr. Ugljanin je zaključio i da bi u prošlosti situacija na ovim prostorima bila znatno povoljnija, da je Jugoslavija bila u sastavu NATO-a, te da bi to spriječilo rat među narodima i republikama bivše Jugoslavije.



Iz tih razloga Bošnjaci u Sandžaku preko BNV-a i legitimno izabраних predstavnika već 25 godina podržavaju evropske i NATO integracije Srbije i Crne Gore.

22. oktobra navršilo se 23 godine od otmice u Sjeverinu, kada je oteto, mučeno i ubijeno 16 nevinih građana Republike Srbije bošnjačke nacionalnosti

DRŽAVA MORA DA RIJEŠI ZLOČIN U SJEVERINU

Bošnjačko nacionalno vijeće u svim razgovorima sa domaćim i međunarodnim institucijama, uporno insistira na rješavanju ovog i svih drugih zločina počinjenih nad Bošnjacima u Sandžaku

22. oktobra 1992. godine, u ranim jutarnjim satima, iz radničkog autobusa na liniji Sjeverin – Priboj u mjestu Mioče, izvedeno je 16 radnika Bošnjaka, koji su putovali na posao u Priboj. Otmicu su izvršila lica u uniformama sa srpskim obilježjima. Oteti su istoga dana odvedeni u Višegrad, na teritoriju BiH, gdje su na obali Drine mučeni i ubijeni, a potom bačeni u Drinu.

Za ovaj monstruozi zločin osuđeno je samo četvoro direktnih izvršilaca, dok istraga o očiglednoj umiješanosti i ulozi državnih organa u pripremi, organizaciji i izvršenju ovog zločina do sada nije pokrenuta.

Kao Vijeće sa punim legalitetom i legitimitetom štitimo interese Bošnjaka već pune 24 godine, ne smijemo i nećemo dozvoliti da se i buduće generacije Bošnjaka u Srbiji svaki mjesec u godini sjećaju neriješenih zločina nad svojim najmilijima i sunarodnicima koje su počinile vojne, policijske i paravojne formacije ove države, ujedno strepeći od novog talasa državnog terora nad Bošnjacima.

Bošnjačko nacionalno vijeće podržava pravnu državu, pravnu sigurnost, vladavinu prava i jednakost pred zakonom kao tekovine kojima treba težiti ukoliko želimo da postanemo moderna evropska zemlja, a ne zemlja u kojoj se namjerno čuti na teške ratne zločine počinjene nad njenim građanima samo zato što su Bošnjaci.



Vjerujemo da se samo zajedničkim pristupom dvije države Srbije i Bosne i Hercegovine može olakšati rješavanje ovog zločina i smatramo da sve to daje nadu da će istina i pravda biti konačno zadovoljene, a da će porodice žrtava i čitav bošnjački narod u Srbiji najzad dobiti svoj mir.

Bošnjačko nacionalno vijeće će traži od nadležnih državnih organa da pod hitno počnu sa rješavanjem ovog i svih drugih zločina počinjenih nad Bošnjacima od devedesetih godina do danas, da se pronađu i kazne svi učesnici, u prvom redu nalogodavci, izvršioci i pomagači. Sve to je neophodno kako bi se Bošnjacima, građanima Srbije, obezbijedio mir i svijetla budućnost.

Zbog svega toga, neminovno je uspostavljanje stabilne institucije i mehanizma u Republici Srbiji kojim Bošnjaci mogu da zaštite svoja osnovna prava, pravo na život, živote članova porodica i imovinu.

Predstavnici Bošnjačkog nacionalnog vijeća i Bošnjačkog vijeća Crne Gore posjetili su Zenicu 22.oktobra i tom prilikom razgovarali su sa predstavnicima Zeničko-dobojskog kantona i ekspertima za pravo Evropske unije

DELEGACIJA BNV-A U POSJETI ZENICI

Sandžački predstavnici su se posebno sastali sa predstavnicima Stranke demokratske akcije Zeničkog kantona

Cilj ove posjete je bio i da se predstavnicima Zeničko-dobojskog kantona predstavi projekat prekogranične turističke saradnje zemalja Zapadnog Balkana koji je sredinom oktobra promovisan u "Sandžačkoj kući" u Briselu.

Iskustva ljudi sa terena koji su, uprkos politički izuzetno osjetljivom području, spremni iskreno sa-

radivati ka razvoju turizma, je osnova na kojoj inicijativna grupa gradi projekat razvoja turizma Zapadnog Balkana.

Turizam je pokretačka snaga za ubrzavanje privrednog razvoja, koji onda pospješuje saradnju među narodima koji žive na ovom području i u isto vrijeme ima pozitivan uticaj na regiju i šire.

Potpredsjednik Bosansko-hercegovačkog entiteta Republike Srpske Ramiz Salkić posjetio predsjednika Bošnjačkog nacionalnog vijeća dr. Sulejmana Ugljanina

VAŽNA SARADNJA BOŠNJAČKIH INSTITUCIJA

Tokom razgovora poklonjena je pažnja i saradnji među državama u regionu, bitnosti Bošnjaka za tu saradnju, te položaju Bošnjaka u bh. entitetu Republika Srpska

Tokom posjete je bilo riječi o prethodnim i budućim aktivnostima Bošnjačkog nacionalnog vijeća, trenutnim položajem Bošnjaka u Srbiji i mogućnostima saradnje institucija entiteta i države Bosne i Hercegovine sa institucijama Bošnjaka u Sandžaku.

Predstavnici Vijeća su upoznali goste sa naprima koje Bošnjačko nacionalno vijeće poduzima na putu ostvarenja prava Bošnjaka na obrazovanje na bosanskom jeziku.

Zaštita bošnjačke kulture, informisanja na bosanskom jeziku, službene upotrebe bosanskog jezika i pisma u svim oblastima javnog života, te status Sandžaka, od ključnog su interesa za sandžačke Bošnjake.



Važnim je istaknut značaj saradnje organizacija i institucija sandžačkih Bošnjaka i institucija države Bosne i Hercegovine u cilju jačanja saradnje između Bošnjaka koji žive u Bosni i Bošnjaka van nje, a koji neupitno čine jedinstven nacionalni korpus.

Grupa za razvojobrazovnih standarda postignuća za bosanski jezik je održala u oktobru sastanak sa predstavnicima Zavoda za vrednovanje kvaliteta obrazovanja i vaspitanja

ZAVRŠEN PRIJEDLOG OBRAZOVNIH STANDARDA POSTIGNUĆA UČENIKA ZA BOSANSKI JEZIK

Na sastanku je utvrđeno da je prijedlog standarda postignuća za bosanski jezik za drugi ciklus u skladu sa kvalitetima izrade standard, te potrebama savremenog obrazovnog procesa

Predstavnici Vijeća ugostili su Jelenu Najdanić-Tomić, rukovodioca Centra za standarde i Tanju Trbojević, savjetnicu u Centru za ispite, Zavoda za vrednovanje kvaliteta obrazovanja i vaspitanja.

Utvrđeni su rokovi za sljedeće faze u aktivnostima Grupe za razvoj standarda, a prije svega izrada upitnika za nastavnike bosanskog jezika koji će davati mišljenje na izrađeni prijedlog standarda, anketiranje nastavnika, te obrada podataka dobijenih iz anketiranja. Nakon dobijenih mišljenja od stručne javnosti, slijedi faza usaglašavanja prijedloga standarda te usvajanje istih od strane Nacionalnog prosvjetnog savjeta.

Između ostalog, na sastanku je bilo riječi i o standardima za bosanski jezik za srednju školu koji će biti razvijeni u okviru budućih projekata Zavoda za vrednovanje kvaliteta.

Standardi za bosanski jezik će opisivati šta dje-



ca znaju, umiju i mogu na kraju jednog perioda obrazovanja i veoma su važni za dostupnost i pravednost u obrazovanju. Oni će biti putokaz za sve nastavnike koji rade sa djecom koja uče bosanski jezik, odnosno šta to djeca na kraju svog osnovnog školovanja treba da znaju iz bosanskog jezika.

Standardi će biti osnov za završni ispit koji će učenici polagati na maternjem bosanskom jeziku i doprinijet će kvalitetu znanja učenika koji pohađaju nastavu na bosanskom jeziku.

BNV je održalo svoju 4. redovnu sjednicu 25. oktobra koja je imala i svečani dio posvećen obilježavanju 25. 26. i 27. oktobra – Dana samoopredjeljenja, kao dana od posebnog značaja za Bošnjake

BNV NIZOM MANIFESTACIJA OBILJEŽILO DANE SAMOOPREDJELJENJA

Svečani dio sjednice Vijeća je upriličen u čast referenduma građana Sandžaka održanog od 25. do 27. oktobra 1991. godine, za potpunu političku i teritorijalnu autonomiju Sandžaka sa pravom priključenja jednoj od suverenih republika

Vijećnici Bošnjačkog nacionalnog vijeća su na ovoj sjednici usvojili prijedlog Sporazuma o saradnji sa Bošnjačkim vijećem u Crnoj Gori i potvrdili Odluku Izvršnog odbora o izboru članova odbora Vijeća.

Sporazumom, koji je Bošnjačko vijeće u Crnoj Gori već usvojilo, potpisnici su se između ostalog obavezali da će zajedno i pojedinačno preduzimati sve potrebne radnje i aktivnosti u cilju definisanja Sandžaka kao evropske prekogranične regije.


U okviru proslave Dana samoopredjeljenja Vijeće je priredilo i izvođenje programa za najmlađe „OKTOBARSKI LJILJANI“ u koncertnoj dvorani Kulturnog centra u Novom Pazaru, koji je sadržao lutkarsku predstavu i predstavu sjenki o tradiciji Bošnjaka, te dva recitala o bosanskom jeziku. Program za najmlađe je održan i u Tutinu, Sjenici, Prijepolju i Priboju



*Radni dio sjednice Vijeća,
Novi Pazar, Glavni ured Vijeća, 25. oktobar 2015. godine*



*Programa za najmlađe „OKTOBARSKI LJILJANI“,
Novi Pazar, Tutin, Sjenica, Prijepolje i Priboj*



Lutkarska i predstava sjenki o tradiciji Bošnjaka



*Svečana dio sjednice Vijeća,
Novi Pazar, Hotel „Vrbak“, 25. oktobar 2015. godine*



*Bošnjačko nacionalno
vijeće*



*Bošnjačko vijeće
u Crnoj Gori*

Na osnovu člana 18. stav 2. člana 80. stav 3. Ustava Republike Srbije i člana 79. stav 1. tačka 12. Ustava Crne Gore, člana 6. Zakona o zaštiti prava i sloboda nacionalnih manjina ("Sl. list SRJ", br. 11/2002, "Sl. list SCG", br. 1/2003 - Ustavna povelja i "Sl. glasnik RS", br. 72/2009 - dr. zakon i 97/2013 - odluka US), člana 27. stav 1. Zakona o nacionalnim savjetima nacionalnih manjina ("Sl. glasnik RS", br. 72/2009, 20/2014 - odluka US i 55/2014) i člana 22. Zakona o manjinskim pravima i slobodama ("Sl. list RCG", br. 31/06 od 12.05.2006, 51/06 od 04.08.2006, 38/07 od 22.06.2007 i "Sl. list Crne Gore", br. 02/11 od 12.01.2011, 08/11 od 04.02.2011).

Polazeći od činjenice da su Bošnjaci autohtoni narod na prostoru Sandžaka koji čini brojčanu manjinu u Srbiji i Crnoj Gori;

Svjesni da saradnja u oblasti zaštite manjinskih prava i unapređivanja položaja Bošnjaka u Srbiji i Crnoj Gori doprinosi jačanju dobrosusjedstva, uzajamnog razumijevanja, prijateljstva i povjerenja, a samim tim i učvršćivanju regionalne saradnje bezbjednosti i stabilnosti;

Rukovođeni namjerom da se osigura najviši nivo pravne zaštite za pripadnike bošnjačkog naroda, ostvarivanje svih prava garantovanih nacionalnim i međunarodnim pravom, da se stvore okolnosti pogodne za očuvanje i razvoj bošnjačkog nacionalnog identiteta;

Utvrđujući da zaštita prava Bošnjaka doprinosi političkoj i društvenoj stabilnosti države u kojoj žive;

Potvrđujući da Bošnjaci predstavljaju integralni dio društva i države u kojoj žive i da obogaćuju materijalnu i duhovnu kulturu zemlje kao i da doprinose proširivanju prijateljstva i saradnje između država;

Naglašavajući da jačanje ostvarivanja prava i institucionalna saradnja Bošnjaka Sandžaka, Srbije i Crne Gore razvija dobrosusjedske odnose;

Privrženi stvaranju zajedničkih institucija i organizacija u oblastima od posebnog značaja za Bošnjake;

Poštujući principe i odredbe međunarodnih dokumenata o ljudskim pravima i o zaštiti manjina, sa posebnim osvrtom na sljedeće:

- Povelja Ujedinjenih nacija;
- Univerzalna deklaracija o pravima čovjeka;
- Konvencija UNESCO o borbi protiv diskriminacije u oblasti prosvjete;
- Međunarodna konvencija o uklanjanju svih oblika rasne diskriminacije;
- Međunarodni pakt o građanskim i političkim pravima;
- Međunarodni pakt o ekonomskim, socijalnim i kulturnim pravima;
- Konvencija Ujedinjenih nacija o pravima djeteta;
- Deklaracija Generalne skupštine UN-a o uklanjanju svih oblika netolerancije i diskriminacije zasnovanih na religiji i uvjerenjima;
- Deklaracija Generalne skupštine UN-a o pravima pripadnika nacionalnih ili etničkih, vjerskih ili jezičkih manjina;
- Deklaracije i preporuke izražene u okviru procesa KEBS-a, odnosno OEBS-a, kao što su Završni dokument Konferencije KEBS-a o ljudskoj dimenziji (Kopenhagen, 1990), Helsinški dokument KEBS-a (1992) i Povelja OEBS-a o evropskoj bezbjednosti (Istanbul 1999);
- Evropska konvencija o zaštiti ljudskih prava i osnovnih sloboda (Evropska konvencija o ljudskim pravima);
- Evropska Povelja Savjeta Evrope o regionalnim ili manjinskim jezicima;
- Okvirna konvencija Savjeta Evrope za zaštitu nacionalnih manjina.

Bošnjačko nacionalno vijeće sa sjedištem u Novom Pazaru ulica 28. Novembar i Bošnjačko vijeće sa sjedištem u Rožajama ulica Maršala Tita bb, potpisuju sljedeći:

SPORAZUM O SARADNJI

Član 1.

Potpisnici sporazuma će zajedničkim radom, djelovanjem i nastupanjem prema državnim organima Srbije i Crne Gore i međunarodnim institucijama predstavljati i zastupati Bošnjake i zalagati se za obezbjeđivanje i implementiranje:

- slobode izbora i izražavanja o pripadnosti bošnjačkoj naciji i uživanje svih prava u vezi s tim izborom;
- prava na uživanje načela nediskriminacije, kako je to predviđeno međunarodnim dokumentima,
- pravo zaštite od svakog djelovanja koje ugrožava ili bi moglo da ugrozi opstanak Bošnjaka;
- punog ostvarivanja manjinske samouprave u svim oblastima od značaja za Bošnjake;
- pravo na očuvanje nacionalnog identiteta,
- pravo na potpuno obrazovanje na jeziku i pismu manjine, javnu i privatnu upotrebu jezika i pisma i informisanje, kao i upotrebu nacionalnih znamenja i simbola,
- zaštitu ravnopravnog učešća u javnim poslovima, samoorganizovanje i udruživanje u cilju ostvarivanja zajedničkih interesa i uživanje političkih i ekonomskih sloboda,

Potpisnici sporazuma će preduzimati zajedno i pojedinačno sve potrebne radnje i aktivnosti u cilju definisanja Sandžaka kao moderne evropske prekogranične regije.

Član 2.

Potpisnici sporazuma će zajednički preduzimati odgovarajuće mjere u oblasti ekonomskog, društvenog, političkog i kulturnog života kako bi obezbijedile jednake mogućnosti i punu ravnopravnost Bošnjaka sa ostalim narodima u Srbiji i Crnoj Gori.

Član 3.

Potpisnici sporazume zajednički će se zalagati da državni organi Srbije i Crne Gore uzdržavaju od politike i mjera koje imaju za cilj asimilaciju Bošnjaka i štitiće takve osobe od svakog akta usmjerenog na asimilaciju. Potpisnice sporazuma će se zajednički zalagati da se državni organi Srbije i Crne Gore uzdržavaju od mjera koje mijenjaju odnos stanovništva u oblastima u kojima Bošnjaci tradicionalno žive, a koje sprečavaju ostvarivanja prava Bošnjaka.

Član 4.

Potpisnici sporazuma će zajednički nastupati u odnosu sa državnim organima Srbije i Crne Gore kako bi iste uzele u obzir interese Bošnjaka u svojim planovima ekonomskog razvoja, i da će preduzeti mjere, u okviru svojih mogućnosti, radi obezbjeđenja ekonomskog i socijalnog razvoja oblasti koje su naseljene Bošnjacima, pružajući na taj način pravične i jednake mogućnosti Bošnjacima u ekonomskoj sferi. U tom cilju, potpisnici sporazuma pružaju podršku aktivnostima privrednog razvoja koje mogu da otklone uzroke migracije manjina i da spriječe promjene etničkog sastava stanovništva. Potpisnici sporazuma će zajednički nastupati kod fondova EU i drugih međunarodnih institucija i organizacija.

Član 5.

Potpisnici sporazuma se obavezuju da najmanje jednom godišnje održavaju zajedničke sjednice.

Član 6.

Potpisnice sporazuma će zajednički preduzimati mjere i nastupati u oblasti saradnje sa bošnjačkom dijasporom.

Član 7.

U cilju realizacije ovog Sporazuma potpisnici Sporazuma će formirati zajedničke sekretarijate sastavljene od predstavnika oba Vijeća za oblasti: obrazovanja, kulture, informisanja, službene upotrebe bosanskog jezika i pisma, saradnje sa dijasporom, ekonomskog razvoja, turizma, ekologije i sporta.

Član 8.

Finansiranje aktivnosti nastalih realizacijom ovog sporazuma vršiće se preko budžetskih sredstava potpisnika Sporazuma i budžeta jedinica lokalnih samouprava u kojima Bošnjaci tradicionalno žive u većem broju.

Član 9.

Primjenu ovog Sporazuma pratiće predsjedništva potpisnika sporazuma.

Član 10.

Sporazum stupa na snagu usvajanjem od strane nadležnih organa potpisnika Sporazuma.

u Novom Pazaru, 25. oktobar 2015. godine

Za Bošnjačko nacionalno vijeće
Dr. Sulejman Ugljanin

Za Bošnjačko vijeće u Crnoj Gori
Osman Nurković



BNV najoštrije je osudilo sramnu i organiziranu medijsku kampanju koju je većina srpskih medija u oktobru vodila protiv Bošnjaka Sandžaka i predsjednika Bošnjačkog nacionalnog vijeća dr. Sulejmana Ugljanina

MEDIJI U SRBIJI VRŠE ORKESTRIRANU KAMPANJU PROTIV BOŠNJAKA

Tendencioznim i zlonamjernim ponašanjem srpskih medija na najgrublji način se gaze i vrijeđaju osnovne tekovine demokratije i profesionalne etike novinarstva, a cijeli bošnjački narod i njihovi legitimni predstavnici predstavljaju u negativnom kontekstu uz obavezne prijetnje i zastrašivanja.

Referendum za autonomiju Sandžaka koji je održan od 25. do 27. oktobra 1991. godine za sve građane Sandžaka, a posebno za Bošnjake predstavlja jednu od najvećih pobjeda demokratije u XX vijeku.

Na referendumu održanom 1991. godine, građani regije Sandžak, Bošnjaci, Srbi, Crnogorci, Albanci i ostali su iskazali volju i izjasnili se u kakvom društvenom i političkom sistemu žele da žive i rade, ali i na koji način je jedino moguće očuvanje nacionalnog identiteta bošnjačkog i svih naroda koji žive na tom području.

Autonomija predstavlja model organizacije i ustrojstva političkog sistema visoko razvijenih, decentralizovanih, demokratskih i na vladavini prava zasnovanih država koje posebnu pažnju pridaju položaju i ostvarivanja prava manjinskih naroda.

Pitanje i status Bošnjaka i Sandžaka državni vrh Republike Srbije ne može riješiti naručenim novinskim člancima, prijetnjama, zastrašivanjem, finansiranjem

podjela među Bošnjacima, diskreditovanjem legitimnih zahtjeva Bošnjaka i njihovih izabranih predstavnika kao ni ignorisanjem slobodno izražene volje na referendumu iz 1991. godine.

Ukoliko državno rukovodstvo Republike Srbije vidi Srbiju kao državu svih njenih građana u kojoj su svi



ravnopravni, državu koja se zalaže za regionalnu stabilnost i saradnju i buduću članicu Evropske unije u obavezi je da bez odlaganja omogućiti usvajanje Rezolucije o osudi genocida u Srebrenici u Skupštini Srbije, riješi pitanje i status Bošnjaka u Srbiji, otkrije i procesuirati sve odgovorne za zločine nad Bošnjacima u Sandžaku, ispoštuje volju građana izraženu na referendumu iz 1991. godine i omogućiti obnavljanje visokog stepena autonomije za Sandžak, kao i da uvažava sve druge zahtjeve istaknute od bošnjačkih legitimnih predstavnika.

Bošnjačko nacionalno vijeće shodno svojom zakonom propisanom obavezom da zauzima stavove, pokreće inicijative i preduzima mjere u vezi sa svim pitanjima koja su neposredno povezana sa položajem, identitetom i pravima Bošnjaka nastaviće da i dalje ukazuje na potrebe i zahtjeve Bošnjaka a posebno na obaveze Republike Srbije prema Bošnjacima Sandžaka kao njenim građanima i nosiocima njenog suvereniteta.

Bošnjačko nacionalno vijeće izrazilo je zabrinutost zbog činjenice da vijećnici liste „Za Bošnjake, Sandžak i muftiju“ nisu uzeli učešće na svečanosti koju je BNV-a upriličilo povodom obilježavanja Dana samoopredjeljenja, dana od posebnog značaja za Bošnjake

BNV OSUĐUJE NOVI POKUŠAJ DESTABILIZACIJE REGIONA

Na sastanku je utvrđeno da je prijedlog standarda postignuća za bosanski jezik za drugi ciklus u skladu sa kvalitetima izrade standard, te potrebama savremenog obrazovnog procesa

BNV je u svom saopćenju navelo da još više zabrinjava činjenica da su samo noć ranije čelnici BDZ-a zloupotrijebili bošnjačku nacionalnu zastavu i istakli je među četnička obilježja na mitingu tzv. „Demokratskog fronta“ u Podgorici i uzeli aktivno učešće u pokušaju rušenja legitimnih državnih institucija sa ciljem

da onemoguće ulazak Crne Gore u NATO.

Obzirom da se predstavljaju kao „Bošnjačka demokratska zajednica“ i lista „Za Bošnjake, Sandžak i Muftiju“ postavlja se pitanje u ime kojih Bošnjaka se oni ponašaju kao vazali beogradskog nacionalističkog režima.

Sramna i orkestrirana medijska kampanja usmjerena protiv Bošnjaka Sandžaka, Bošnjačkog nacionalnog vijeća i predsjednika Vijeća dr. Sulejmana Ugljanina od strane srpskih medija bliskih vladajućem režimu uslijedila je nakon obilježavanja Dana samoopredjeljenja u Sandžaku

BNV ZAHTIJEVA SANKCIONISANJE HUŠKAČKIH MEDIJA

Sporazumom je definisana saradnja dva vijeća u oblastima od značaja za Bošnjake, a u skladu sa Ustavom i zakonima Republike Srbije i Crne Gore i predstavlja najbolji primjer i model prekogranične saradnje

U pismu koje je 30. oktobra, Bošnjačko nacionalno vijeće uputilo svim međunarodnim institucijama, organizacijama i diplomatskim predstavništvima u Srbiji, Zaštitniku građana i Povjerenici za zaštitu ravnopravnosti, između ostalog se kaže:

„Upoznati ste da je u prethodnih nekoliko dana predsjednik Bošnjačkog nacionalnog vijeća dr. Sulejman Ugljanin bio meta neprofesionalnog, nacionalističkog i tendencioznog novinarskog izvještavanja većine srpskih medija u vezi njegovih izjava koje su date povodom obilježavanja dana od posebnog značaja za Bošnjake u Sandžaku i Srbiji.

Naime, u svojim dnevnim izdanjima od 26. do 29.10. 2015. novine „Blic“, „Pravda“, „Kurir“, Radio televizija Srbije, kao i mnogi drugi štampani i elektronski mediji u Srbiji su na tendenciozan i neprofesionalan način izvještavajući o izjavama predsjednika BNV-a, širili mržnju, nacionalizam i diskriminaciju prema Bošnjacima koji žive u Republici Srbiji. Povodom ovakvog izvještavanja medija, nisu reagovali nadležni organi Republike Srbije, REM (Regulatorno telo za elektronske medije), kao ni udruženja novinara.

Bošnjačko nacionalno vijeće najoštrije osuđuje ovakav način pisanja medija o Bošnjacima i izražava zabrinutost zbog sve većeg porasta mržnje i nacionalizma uopće u Srbiji, a posebno u pogledu javnog informisanja. Podsjećamo da je članom 75. Zakona o javnom informisanju i medija zabranjeno širenje ideja, mišljenja, odnosno informacija kojima se podstiče diskriminacija, mržnja protiv lica ili grupe lica zbog njihovog pripadanja nekoj rasi, vjeri ili naciji.

Također, napominjemo da je pravo na autonomiju, regionalizam i federalizam jedna od tekovina moderne demokratije i težnja nacionalnih manjina za ostvarivanje ovih prava predstavlja legitiman i legalan način učestvovanja nacionalnih manjina u

političkom životu Republike Srbije. U mnogim rezolucijama i dokumentima Savjeta Evrope je potvrđeno pravo nacionalnih manjina da učestvuju u javnom dijalogu u rješavanju državnih problema. Štaviše, prema stavovima Savjeta Evrope, suštinu demokratije predstavlja mogućnost predlaganja i razmatranja raznih političkih programa, čak i onih koji dovode u pitanje način na koji je država trenutno organizirana.

Ističemo da je povjerenje Bošnjaka Sandžaka u institucije, a time i medije Republike Srbije, dodatno narušeno jer Republika Srbija nije uložila nikakav napor da se izgradi povjerenje i međunarodni odnosi narušeni izvršenim genocidom nad Bošnjacima za koji je Republika Srbija presudom međunarodnog suda u Hagu proglašena odgovornom, masovnim kršenjem ljudskih prava u Sandžaku tokom 90-tih godina i diskriminacijom Bošnjaka koja je još uvijek prisutna u pojedinim sferama javnog života.

Bošnjačko nacionalno vijeće zahtijeva da, u skladu sa vašim ovlaštenjima, preduzmete sve mjere kako bi se ovakav neprofesionalan i huškački odnos medija prema institucijama Bošnjaka u Republici Srbiji i njihovim legitimnim predstavnicima sankcionisao, i time

doprinesete izgradnji nezavisnog i objektivnog novinarstva u Srbiji, ali i otvorenog i demokratskog društva u kome su svi građani bez obzira na nacionalnu, političku i svaku drugu pripadnost ravnopravni.“



PREDSJEDNIK UGLJANIN POSJETIO AMBASADORA MAROKA

Članovi parlamentarne grupe prijateljstva Srbije i Maroka, narodni poslanici dr. Sulejman Ugljanin i Sabina Dazdarević posjetili su 3. oktobra Nj.E. gospodina Abdullaha Zegour, ambasadora Kraljevine Maroka u Beogradu.

Sagovornici su, u ambasadi Kraljevine Maroka u Beogradu, tokom prijateljskog razgovora razmatrali teme od zajedničkog interesa i vrijednostima koje nas spajaju.

Predsjednik Bošnjačkog nacionalnog vijeća dr. Sulejman Ugljanin upoznao je ambasadora Zegour o aktivnostima BNV-a i Manjinske poslaničke grupe „SDA Sandžaka-PDD“ na očuvanju i unapređenju manjinskih prava u procesu evrointegracija Srbije.



Bošnjačko nacionalno vijeće na sjednici koja je održana 25. 10. 2015. godine, u čast obilježavanja Dana samoopredjeljenja, usvojilo je sporazum o saradnji sa Bošnjačkim vijećem u Crnoj Gori, koje su mediji u Srbiji potpuno ignorisali

MEDIJI U SRBIJI PRIKRIVAJU POTPISIVANJE VAŽNIH SPORAZUMA ZA BOŠNJAKE

Sporazumom je definisana saradnja dva vijeća u oblastima od značaja za Bošnjake, a u skladu sa Ustavom i zakonima Republike Srbije i Crne Gore i predstavlja najbolji primjer i model prekogranične saradnje

BNV u svom saopćenju nakon obilježavanja Dana samoopredjeljenja izrazilo je zabrinutost činjenicom da su prisutni srpski mediji ignorisali ovako važan sporazum, nakon čega je održana i svečana sjednica Vijeća, a u svim sandžačkim opštinama za učenike osnovnih škola pripređene su pozorišne predstave i lutkarske igre.

“Bošnjačko nacionalno vijeće kao najviše predstavničko tijelo Bošnjaka u Srbiji izražava svoj protest zbog jake i orkestrirane medijske kampanje usmjerene protiv Bošnjaka od strane srpskih medija pod kontrolom vladajućeg režima”, naglašeno je u saopćenju.

Bošnjačko nacionalno vijeće je zabrinuto sa koliko mržnje i neprijateljstva su srpski mediji širenjem laži, dezinformacija, zamjenom

teza i izvlačenjem iz konteksta pojedinih fragmenata iz govora predsjednika BNV-a pokušali da zbune javnost, zaplaše Bošnjake, prikriju usvajanje sporazuma i onemoguće saradnju sa Bošnjacima u Crnoj Gori.

“Osuđujemo pokušaj političkog rukovodstva Republike Srbije da putem naručene medijske kampanje zaplaši Bošnjake, bošnjačke zahtjeve i djelovanje proglaše opasnim i štetnim, a sve sa ciljem da se Bošnjacima u Srbiji onemogući da uživaju Ustavom i zakonom garantovana prava”, ističe se u saopćenju i dodaje da će se ovim povodom Bošnjačko nacionalno vijeće obratiti Zaštitniku građana, Povjerenici za zaštitu ravnopravnosti, OEBS-u i Evropskoj uniji sa ciljem da se zaustavi dalja medijska kampanja i širenje mržnje prema Bošnjacima.



Manifestacija "Food is great" dobar primjer približavanja i upoznavanja različitih kultura u cilju boljeg razumijevanja među narodima

UPOZNAVANJE RAZLIČITOSTI KROZ KULINARSTVO

U Sjenici je u okviru programa „Food is great“, koji se organizuje uz podršku ambasade Velike Britanije u Beogradu, održano zajedničko predstavljanje dijela sandžačke tradicionalne kuhinje s prostora Pešteri i Sjenice i tradicionalne kuhinje Velike Britanije

Podršku ovoj manifestaciji, kao dobrom primjeru približavanja i upoznavanja različitih kultura i bolje saradnje i stabilnosti dao je predsjednik Bošnjačkog nacionalnog vijeća dr. Sulejman Ugljanin sa saradnicima.

Opština Sjenica je domaćin i glavni pokrovitelj ove dvodnevne manifestacije koja je privukla veliki broj gostiju, uglednih predstavnika kulturnog i političkog života i novinara iz cijele Srbije.

Hazbo Mujović, predsjednik opštine Sjenica, otvarajući ovu manifestaciju, se posebno zahvalio ambasadoru Velike Britanije u Srbiji Nj.E. Denisu Keefe na podršci ovom projektu i pozvao sve prisutne da se upoznaju sa tradicionalnom kuhinjom



Pešteri i Sjenice, koja je izrazito multietnička, kao važnim dijelom kulture ovog dijela Sandžaka.

U organizaciji Bošnjačkog nacionalnog vijeća, uz podršku Ministarstva kulture, pred punom koncertnom dvoranom u Novom Pazaru 6. novembra održan je peti po redu Festival „Sandžačke sevdalinke“ – FESS 2015

SANDŽAČKA SEVDALINKA PONOS BOŠNJAČKE KULTURE I TRADICIJE

Na ovogodišnjem festivalu sevdalinke su izvodili interpretatori iz cijelog Sandžaka i Bosne i Hercegovine, a uz pratnju članova narodnog orkestra

Prije početka programa prisutni su učenjem Fatih e i minutom šutnje odali počast učesnicima prvog Festivala sandžačke sevdalinke prof. dr. Munibu Maglajliću i Zehri Deović, neprikosnovenim autoritetima sevdalinke kao literarne i muzičke forme, a koji su nedavno preselili na Ahiret.

Na samom početku prisutnima se obratio i vijećnik prof. dr. Sead Šemsović koji je istakao ulogu i značaj sevdalinke u životu i običajima Bošnjaka nakon čega



je prof. dr. Hasim Mekić predsjednik Izvršnog odbora Vijeća i svečano otvorio Festival, te svim prisutnima poželio dobrodošlicu na ovogodišnji festival.

Cjelokupan program Festivala sandžačke sevdalinke – FESS 2015 je izazvao oduševljenje publike koja je cijele večeri dugim aplauzima pozdravljala izvođače.





Bošnjačko nacionalno vijeće izrazilo je radost povodom zajedničke sjednice Vijeća ministara Bosne i Hercegovine i Vlade Republike Srbije koja je održana 4. novembra u Sarajevu

BOŠNJAKE SANDŽAKA RADUJE SARADNJA IZMEĐU SRBIJE I BiH

BNV je u saopćenju istaklo da legitimni predstavnici Bošnjaka u BiH i srpskog naroda iz Republike Srbije imaju obavezu da kroz državne organe pokrenu dijalog o rješavanju svih otvorenih pitanja između ova dva naroda

BNV je naglašava da ova zajednička sjednica predstavlja dobar početak saradnje dviju susjednih država.

Saradnja država Bosne i Hercegovine i Srbije sa više aspekata ima poseban značaj za Bošnjake u Sandžaku.

„Očekujemo da vlade i druge državne institucije Bosne i Hercegovine i Srbije svojom saradnjom omogućće institucionalno povezivanje i saradnju Bošnjaka Sandžaka sa Bošnjacima Bosne i Hercegovine u cilju očuvanja i unapređenja identiteta i prava Bošnjaka Sandžaka“, ističe se u saopćenju.

Na kraju se dodaje da Bošnjačko nacionalno



vijeće, kao najviše predstavničko tijelo Bošnjaka u Republici Srbiji, očekuje da će ova započeta saradnja zvaničnog Sarajeva i Beograda doprinijeti adekvatnom rješavanju svih otvorenih pitanja i uspostavljanju pravednog i trajnog mira, sigurnosti, saradnje i povjerenja na Balkanu.

Investiciono-razvojnom konferencijom u Srebrenici Vlada Srbije, BiH i Crne Gore nastavlja se pozitivan trend regionalne saradnje

BUDUĆNOST ZAVISI OD SPREMNOSTI NA DIJALOG LEGITIMNIH PREDSTAVNIKA

Bošnjačko nacionalno vijeće izrazilo je zadovoljstvo povodom poruka visokih državnih zvaničnika Srbije, Bosne i Hercegovine i Crne Gore, upućenih na investiciono-razvojnoj konferenciji održanoj 11. novembra u Srebrenici

U saopćenju BNV-a se navodi da budućnost naroda i država Zapadnog Balkana zavisi od spremnosti njihovih legitimnih predstavnika na dijalog sa ciljem da se riješe sva otvorena pitanja koja opterećuju sadašnjost i predstavljaju prepreku na putu ka EU.

Vijeće ocjenjuje da je vraćanje povjerenja među narodima i državama prvi preduslov za uspostavljanje regionalne stabilnosti i saradnje.

„Očekujemo da Skupština Republike Srbije u skladu sa Rezolucijom o ulozi Skupštine Srbije u procesu pridruživanja Srbije Evropskoj uniji usvoji Rezoluciju o genocidu u Srebrenici koju su 02. jula 2015. godine predložili legitimni predstavnici Bošnjaka, a koju je BNV podržalo 10. jula 2015. godine“, kaže se u saopćenju.

U saopćenju se posebno ističe da će se usvajanjem Rezolucije o Srebrenici u Skupštini Srbije, sk-



nuti odgovornost sa države Srbije, srpskog naroda i svih budućih generacija za zločin genocida nad Bošnjacima koji je neko počinio u njihovo ime.

„Ovim činom Skupština Srbije stvara uslove za međunarodno pomirenje, uspostavljanje pravednog i trajnog mira, sigurnosti, saradnje i povjerenja među narodima“, zaključeno je u saopćenju Bošnjačkog nacionalnog vijeća.

Predstavnici NVO „Kosovo za Sandžak“, profesor Ismet Azizi i dr. Kenan Kurtagić posjetili su 14. oktobra Bošnjačko nacionalno vijeće u Novom Pazaru

KOSOVO ZA SANDŽAK

Goste su primili članovi predsjedništva BNV-a, pri čemu je pokrenuta inicijativa za dodjelu konsultativno-participativnog statusa ovoj nevladinoj organizaciji

Profesor Azizi, predsjednik udruženja, upoznao je rukovodstvo Vijeća sa ciljevima i programima ove organizacije i naglasio da je bitan cilj da vrati pažnju javnosti na Sandžak kao jednu ekonomski najnerazvijeniju regiju na Balkanu.

Predstavnici Vijeća upoznali su goste sa statusom Vijeća, planovima, programima i projektima iz oblasti od značaja za Bošnjake u skladu sa zakonima Srbije i Crne Gore.

Inicijativom za dodjelu konsultativno-participativnog statusa ovoj nevladinoj organizaciji se otvara mogućnost zajedničke realizacije projekata od značaja za očuvanje i unapređenje identite-



ta Albanaca i Bošnjaka Sandžaka, te brži ekonomski razvoj ove nerazvijene regije.

Povodom terorističkih napada u kojima je stradao veliki broj nedužnih ljudi u Parizu 13. novembra, predsjednik BNV-a dr. Sulejman Ugljanin uputio saučešće ambasadoru Republike Francuske u Beogradu, Nj.E. gospođi Kristin Moro

SAUČEŠĆE PREDSJEDNIKA BNV POVODOM TERORISTIČKIH NAPADA U PARIZU

U telegramu saučešća se kaže:

„Vaša ekscelencijo gospođo Moro, Sa velikim bolom i tugom primili smo vijesti o tragičnim događajima koji su posljedica terorističkih napada u Parizu.

Činjenica da su meta terorističkih napada bili nedužni civili u svojim svakodnevnim aktivnostima povećava osjećanje bola i zabrinutosti kod građana Sandžaka.

Posebno osjećanje budi činjenica da su građani Sandžaka u teškim vremenima devedesetih godina našli utočište, mir i spokoj u Parizu i drugim gradovima u Francuskoj.

U ime Bošnjačkog nacionalnog vijeća i u svoje lično ime upućujem Vam izraze saučešća.

Molim Vas da prenesete naše izraze iskrenog sau-



češća francuskom narodu, porodicama žrtava, predsjedniku Republike gospodinu François Hollandu i Vladi Republike Francuske.”

S' poštovanjem,

Dr. Sulejman Ugljanin, predsjednik Vijeća

Održan sastanak u Zavodu za unapređivanje obrazovanja i vaspitanja u Beogradu, na kome se razgovaralo o nastavnim programima i planu udžbenika u nastavi na manjinskim jezicima

IZBACITI GOVOR MRŽNJE IZ NASTAVNIH PROGRAMA I UDŽBENIKA U SRBIJI

Potpredsjednik Bošnjačkog nacionalnog vijeća Esad Džudžo je na ovom sastanku istakao neophodnost reformisanja nastavnih planova i programa srpskih udžbenika

Zaključeno je da se sva sporna pitanja u vezi realizacije modela školstva na jezicima manjinskih naroda rješavaju u stalnom dijalogu i konsultacijama između nacionalnih vijeća, Zavoda i resornog ministarstva, a naročito kada se radi o nastavi maternjeg jezika i grupe nacionalnih predmeta, odnosno historije, muzičke i likovne kulture.

Dogovoreno je da se moraju reformisati i nastavni planovi i programi srpskih udžbenika koji sadrže govor mržnje, širenje nacionalne i vjerske netolerancije prema pripadnicima manjinskih nacionalnih zajednica.

Također je i zaključeno da je potrebno uključiti što više sadržaja iz historije i kulture manjinskih zajednica u postojeće nastavne planove i programe i udžbenike na srpskom jeziku, a koji se prevode na



manjinske jezike.

Sastanku su prisustvovali i predstavnici mađarske, slovačke, rumunske, bugarske i hrvatske nacionalne zajednice, kao i predstavnici Ministarstva prosvjete i Ministarstva za evropske integracije.

ČESTITKA PREDSJEDNIKA VIJEĆA POVODOM DANA SANDŽAKA

Povodom 20. novembra – Dana Sandžaka, predsjednik Bošnjačkog nacionalnog vijeća dr. Sulejman Ugljanin uputio čestitku svim građanima Sandžaka

U čestitki predsjednika Ugljanina se kaže:

„Svim Bošnjacima i građanima Sandžaka u ime Bošnjačkog nacionalnog vijeća i svoje lično ime čestitam veliki praznik – Dan Sandžaka i želim da ga provedu u sreći, miru i dobrom zdravlju.

20. novembra 1943. godine, Bošnjaci, Srbi i Crnogorci su se ujedinili u borbi protiv fašizma i u Pljevljima osnovali Zemaljsko antifašističko vijeće narodnog oslobođenja Sandžaka (ZAVNOS).

Dan Sandžaka je nacionalni praznik Bošnjaka i svih građana Sandžaka koji simbolizira jedan od najsvjetlijih perioda u modernoj historiji sandžačkog naroda, ideju antifašizma, težnju za slobodom, ljudska prava i trajno evropsko opredjeljenje bošnjačkog naroda.



Uz želje za trajno jedinstvo Bošnjaka, međusobno uvažavanje i zajednički rad za dobro svih, Iskreno,”

Dr. Sulejman Ugljanin, predsjednik Vijeća

U čast obilježavanja 20. novembra – Dana Sandžaka održana Svečana akademija u Sjenici

DAN SANDŽAKA U DUHU ZAJEDNIČKE HISTORIJE, KULTURE, TRADICIJE I JEZIKA

Na akademiji se prisutnima obratio predsjednik Bošnjačkog nacionalnog vijeća dr. Sulejman Ugljanin, koji je naglasio da je „Sandžak danas tipičan primjer prekogranične evropske regije“

Svečana akademija Dan Sandžaka je započela učenjem Fatihe i minutom šutnje odavajući poštu nevino stradalim žrtvama terorističkih napada u Ankari i Parizu.

U ovom biltenu prenosimo govor predsjednika dr. Sulejmana Ugljanina na svečanoj akademiji:

„Poštovani prijatelji, dragi gosti, ponosni na svoj bošnjački nacionalni i sandžački regionalni identitet sastali smo se danas ovdje da na primjeren način obilježimo jedan period iz svijetle i bogate sandžačke historije.

Sa ponosom ističemo da su građani Sandžaka u Drugom svjetskom ratu organizirano pokazali svoje jako antifašističko opredjeljenje pružanjem oružanog otpora fašizmu – formiranjem vojske Sandžaka. Na današnji dan 20. novembra 1943. godine, u Pljevljima formirano je Zemaljsko antifašističko vijeće narodnog oslobođenja Sandžaka.

Kao i tada, danas je čovječanstvo suočeno sa novom opasnošću koja ugrožava svjetski mir i međunarodni poredak.

Prije sedam dana u Parizu je izvršeno više terorističkih napada čija su meta bili civili u svakodnevnim tekućim životnim aktivnostima. Tada je život izgubilo 129 civila.

Mjesec dana ranije u terorističkom napadu u Ankari stradalo je 97 nedužnih ljudi. I u jednom i drugom napadu bilo je više stotina teško povrijeđenih ljudi sa trajnim invaliditetom. BNV osuđuje terorizam svake vrste.

Mi smo protiv upotrebe sile i nasilja za postizanje političkih ciljeva i nametanje političkih rješenja.

Mi, Bošnjaci, kao pripadnici muslimanskog kulturno – povijesnog kruga, također osuđujemo svaki pokušaj povezivanja i poistovjećivanja islama i terorizma.

Terorizam je nespojiv sa islamskim učenjem, islamskom tradicijom i načinom života u islamu. Bošnjaci Sandžaka su miroljubiv, civilizovan, odgovoran, svjestan i dobro organiziran narod, koji od pada komunizma i uvođenja višepartijskog sistema ima svoju stranku i nacionalno vijeće preko kojih već 25 godina



Pljevlja, 20. novembar 2015. godine

U okviru obilježavanja 20. novembar - Dan Sandžaka delegacija Bošnjačkog nacionalnog vijeća je posjetila Pljevlja u znak sjećanja na 20. i 21. novembra 1943. godine kada je u Pljevljima, uz prisustvo 263 delegata iz pet sandžačkih srezova, formiran ZAVNOS. Delegaciju Vijeća u Pljevljima su ugostili potpredsjednik opštine Ljubiša Čurčić i direktor pljevaljske gimnazije Dragan Zuković. Tom prilikom predstavnici Vijeća su položili cvijeće kraj spomen ploče ZAVNOS-u postavljene na zgradi pljevaljske gimnazija.



Svečana akademija povodom Dana Sandžaka, Sjenica, Kulturni centar, 20. novembar 2015. godine



prof.dr. Redžep Škrijelj, Historijaska aporema Sandžaka Sjenica, Kulturni centar, 20. novembar 2015. godine

pokušava da ostvari svoja prava kroz institucije sistema u svojoj zemlji.

Sandžački Bošnjaci su autohton evropski narod i dio jedinstvenog bošnjačkog nacionalnog korpusa. Sandžački Bošnjaci se zalažu za pravnu državu, zasnovanu na vladavini prava, pravnoj sigurnosti i jednakosti pred zakonom, ravnopravnost naroda, zaštitu i unapređenje prava manjinskih zajednica i nacionalnih manjina, u skladu sa međunarodnim normama i pristupanje zemalja Zapadnog Balkana Evropskoj uniji i NATO savezu.

Evropska unija nije samo političko udruženje različitih država, nego je, također, velika porodica mnogih naroda, čija matična domovina nije nužno unutar ucrtanih granica. Iz toga je nastala ideja o Evropi regija, koje bez obzira na političke granice, dijele zajedničku historiju, kulturu, tradiciju, ili je za njih karakteristična zajednička ekonomija.

Sandžak je danas tipičan primjer prekogranične evropske regije. Svojom definicijom, prekogranična regija znači teritorijalnu jedinicu koja se sastoji od nekoliko lokalnih ili regionalnih vlasti, koje su povezane iako pripadaju različitim državama. Sandžak je upravo to – zajednička teritorijalna jedinica, podijeljena između dvije, historijski, kulturno, etnološki, jezički pa i vjerski povezane zemlje.

Na području Sandžaka već vijekovima zajedno

žive u harmoniji ljudi različitih nacionalnosti – Srbi, Bošnjaci, Albanci i Crnogorci, i različitih vjeroispovijesti – muslimani, pravoslavci i katolici. Najbolji primjer vjerskog suživota su brojni sakralni objekti koji stoje u Sandžaku i služe svim navedenim religijama.

Sandžak je historijska regija koja je vijekovima egzistirala kao cjelina, a od 1918. godine je podijeljena na Jugozapadnu Srbiju i Sjeveroistočnu Crnu Goru, ali je zapravo teritorijalna jedinica sa zajedničkom historijom, kulturom, tradicijom i jezikom.

Danas govorimo o povezivanju Evrope regija, odnosno historijskoj regiji Sandžak, koja ima zajedničku priču, tradiciju i razvojni potencijal, tako da je jedino racionalno posmatrati je kao cjelinu.

Kada govorimo o Sandžaku kao regiji, koja nije ograničena političkom granicom, nećemo s početka uspostavljati saradnju između dvije strane ove prekogranične regije. Ne, jer ova saradnja već

postoji, i to na kulturnom, ekonomskom i sportskom području. Doduše, nekada više, a nekada manje intenzivno, ali kontinuirano, bez obzira na prepreke koje je tokom vremena izazvala politika.

Nadamo se da će ta saradnja postati još jača i uspješnija u procesu evropskih i evroatlantskih integracija zemalja Zapadnog Balkana.

Želim vam svako dobro."



Svečana akademija povodom Dana Sandžaka, dr. Sulejman Ugljanin, predsjednik Vijeća



Svečana akademija povodom Dana Sandžaka, Sjenica, Kulturni centar, 20. novembar 2015. godine

Dodijeljena najveća nacionalna nagrada sandžačkih Bošnjaka u oblasti književnosti za ukupni književni, esejistički, prevodilački i rad na evropskoj afirmaciji bosanskoga jezika, Bošnjaka i Sandžaka

REFIK LIČINA DOBITNIK NACIONALNE NAGRADE „PERO ĆAMILA SIJARIĆA“ ZA 2015. GODINU

Dobitnik nagrade je rekao da je Ćamil Sijarić „izvanredan primjer pisca koji je na pravi način zadužio svoj zavičaj, svoju kulturu i svoj narod“, tako što je genijalno koristio i brinuo o jeziku, pokazavši svu njegovu raskoš, bogatstvo i snagu

Tradicionalnim Sandžačkim književnim susretima – „SAKS 2015.“ na kojima je dodijeljena književna nagrada „Pero Ćamila Sijarića“ prisustvovali su i Nj.E. gospodin Arif Mahmood, ambasador Islamske republike Pakistan, Šerif Mujkanović, zamjenik ambasadora Bosne i Hercegovine kao i narodni poslanici u Skupštini Srbije, predsjednici sandžačkih opština i skupština opština, odbornici, predstavnici nevladinih organizacija i predstavnici javnog i kulturnog života.

Stručni žiri Bošnjačkog nacionalnog vijeća za dodjelu nagrade „Pero Ćamila Sijarića“ za 2015. godinu, u sastavu doc. dr. Sead Šemsović, predsjednik, doc. dr. Nadija Rebronja, član, i Asmir Kujović, književnik, je nakon podrobnog sagledavanja tekuće književne produkcije Bošnjaka u Sandžaku donio odluku da ovogodišnju (2015.) književnu nagradu „Pero Ćamila Sijarića“ dodijeli književniku Refiku Ličini.

Obrazlažući odluku o dodjeli nagrade doc. dr. Sead Šemsović je između ostalog naglasio da u pjesničkom i proznom jeziku Refika Ličine prelamaju se lokalni kolorit prošlosti i vremensko-prostorna distanca posmatranja iz sadašnjosti. U jednom takvom stapanju nastaju likovi i slike natopljeni specifičnim emotivnim treperenjima, koje možemo prepoznati kao gorčinu ljubavi ili uzavrelost tuge.

„Rijetki su pisci koji su podigli takav književni monument svom maternjem jeziku kao što je to Ćamil uradio. Mi koji dolazimo poslije njega trudimo se, u skladu sa svojim snagama, da mu budemo dostojni i odani nasljednici.“

Ličina se zahvalio svima koji su došli da ovu nagradu zajedno podijele sa njim.

„Čast mi je i zadovoljstvo da na ovaj naš veliki praznik „Dan Sandžaka“ dodijelim našu najvišu nagradu iz oblasti književnosti i zahvaljujem se žiriju koji među svim našim dobrim književnicima, piscima, pjesnicima odlučio da dodijeli ovu nagradu jednom od nas, koji ove posljednje godine života provodi u daljini i iz daljine gleda na nas i naš razvoj

i još jednom čestitam dobitniku nagrade“ istako je dr. Sulejman Ugljanin.

U okviru obilježavanja Dan Sandžaka održani su i Sandžački književni susreti – „SAKS 2015.“ posvećeni djelima Refika Ličine o kojima su govorili doc. dr. Sead Šemsović, doc. dr. Nadija Rebronja, Denis Martinović i sam autor.

U okviru tradicionalnih Sandžačkih književnih susreta – „SAKS 2015“ u Prijepolju je 21. novembra održano književno veče u Domu kulture.



Dobitnik „Pera Ćamila Sijarića“ i predsjednik Vijeća, Novi Pazar, Glavni ured Vijeća, 20. novembar 2015. godine



Dan Sandžaka, Novi Pazar, Glavni ured Vijeća, 20. novembar 2015. godine



Sandžački književni susreti SAKS 2015 Prijepolje, Dom kulture, 21. novembar 2015. godine

Povodom 25. novembra – Dana državnosti Bosne i Hercegovine, predsjednik Bošnjačkog nacionalnog vijeća dr. Sulejman Ugljanin uputio je čestitku predsjedavajućem i članovima Predsjedništva Bosne i Hercegovine

PREDSJEDNIK BNV-A ČESTITAO DAN DRŽAVNOSTI BIH

U čestitki predsjednika Ugljanina se kaže:

„Poštovani gospodine Čović,

U ime Bošnjačkog nacionalnog vijeća i svoje lično ime, Vama, članovima Predsjedništva BiH i svim građanima Bosne i Hercegovine upućujem najiskrenije čestitke povodom 25. novembra – Dana državnosti, jednog od najvažnijih datuma za sve narode Bosne i Hercegovine.

Nadam se da će Bosna i Hercegovina i u vremenu koje je pred nama očuvati svoj visok nivo suživota i ostati primjer u svijetu u pogledu njegovanja pravih demokratskih vrijednosti.

U uvjerenju da će snagom i voljom svih svojih građana Bosna i Hercegovina ustrajno ići putem stabi-



zacije, mira i razvoja želim Vam puno uspjeha u daljem radu i obavljanju Vaših odgovornih funkcija, a građanima mir, prosperitet i zadovoljstvo.“

Iskreno,

Dr. Sulejman Ugljanin, predsjednik Vijeća

Prvi sekretar za politička pitanja Ambasade Velike Britanije u Srbiji, gospođica Lusi Meizels posjetila je 26. oktobra Bošnjačko nacionalno vijeće

POSJETA PREDSTAVNIKA AMBASADE VELIKE BRITANIJE BOŠNJAČKOM NACIONALNOM VIJEĆU

Cilj posjete je bio da se sekretarka za politička pitanja Ambasade Britanije direktno upozna sa radom i aktivnostima Bošnjačkog nacionalnog vijeća

Predstavnici Vijeća su upoznali gospođu Meizels sa aktivnostima, planovima i programima Vijeća i problemima u ostvarivanju prava garantovanih Ustavom u zakonima Srbije u oblasti obrazovanja, kulture i informisanja i službene upotrebe jezika i pisma.

Predstavnici Vijeća su posebno istakli probleme sa kojima se susreću Bošnjaci u Sandžaku koji su također navedeni i u posljednjem Izvještaju Evropske komisije o napretku Srbije: Bošnjaci su nedovoljno zastupljeni u državnim preduzećima, policiji sudstvu i javnim i upravnim vlastima, Sandžak je među najnerazvijenijim područjima u Srbiji kojem nedostaje infrastruktura i investicije te činjenica da je u Sandžaku procenat nezaposlenosti dostiže 60 posto i da je među nezaposlenima najveći broj mladih.



Predstavnicu Ambasade Velike Britanije u Srbiji su ispred Vijeća primili potpredsjednica Vijeća, Vasvija Gusinac i predsjednik Izvršnog odbora Vijeća prof.dr. Hasim Mekić, te sekretar Vijeća, Ahmedin Škrijelj.

Državni organi Republike Srbije nažalost samo deklarativno i formalno iskazuju spremnost na iznalaženju trajnih i održivih rješenja za probleme i zahtjeve nacionalnih manjina

VLADA REPUBLIKE SRBIJE DEGRADIRA REPUBLIČKI SAVJET ZA NACIONALNE MANJINE

Povodom ignorantskog odnosa prema problemima nacionalnih manjina i zahtjevima za njihovo rješavanje od strane predsjednika Vlade Republike Srbije i ministara, članova Republičkog savjeta za nacionalne manjine sekretar Bošnjačkog nacionalnog vijeća uputio je pismo svim diplomatskim predstavništvima u Republici Srbiji kao predstavnicima međunarodnih organizacija i institucija sa sjedništem u Republici Srbiji sljedeće pismo:

*“Vaša Ekselencijo,
Polazeći od činjenice da je Republika Srbija iskazala potrebu za članstvom u Evropskoj uniji i spremnost da se na putu pristupanja Evropskoj uniji reformiše u državu zasnovanu na temeljima vladavine prava sa konkurentnom tržišnom privredom i ekonomijom, državu u kojoj su svi građani ravnopravni i državu u kojoj manjinski narodi uživaju sva garantovana individualna i kolektivna prava, Bošnjačko nacionalno vijeće je u tom procesu uzelo aktivnu ulogu sa ciljem da se proklamovani ciljevi efikasno realizuju i primjene.*

Bošnjaci kao narod koji čini brojčanu manjinu u Srbiji, Bošnjačko nacionalno vijeće kao najviše predstavničko tijelo Bošnjaka u Republici Srbiji kao i legitimno izabrani predstavnici Bošnjaka čvrsto su opredijeljeni i okupljeni oko strateškog cilja a to je punopravno članstvo Srbije u EU i nastavak euro-atlantskih integracija.

Državni organi Republike Srbije nažalost samo deklarativno i formalno iskazuju spremnost na iznalaženju trajnih i održivih rješenja koja bi pripadnicima manjinskih naroda garantovala sigurnost, ravnopravnost, očuvanje i unapređenje nacionalnog identiteta, poštovanje individualnih i kolektivnih prava ali i rješavanje svih drugih pitanja od značaja za manjinske narode.

Republički savjet za nacionalne manjine potpuno je degradiran i usljed odnosa Vlade Republike Srbije izgubio je smisao zbog koga je i osnovan. Voljom Vlade Republike Srbije Savjet ne funkcioniše i postao je sred-

stvo za legalizaciju uskraćivanja prava manjinskim narodima a ne mehanizam za rješavanje i poboljšanje statusa i položaja manjinskih naroda u Srbiji.

Na posljednjoj sjednici Savjeta koja je održana 3. novembra 2015. godine predstavnici svih nacionalnih vijeća ocijenili su da Savjet treba da odigra značajniju ulogu u sistemu zaštite i ostvarivanja manjinskih prava u Republici Srbiji.

Bošnjačko nacionalno vijeće u više navrata tražilo

je od Vlade Republike Srbije, nadležnih ministarstava i državnih organa, vladinih službi i lokalnih samouprava da dosljedno sprovedu obaveze, poštuju prava i nadležnosti koja imaju pripadnici bošnjačkog naroda i Bošnjačko nacionalno

vijeće u svim oblastima koja su neposredno povezana sa identitetom, pravima, položajem i uslovima u kojima žive i djeluju Bošnjaci i Bošnjačko nacionalno vijeće. Do sada nijedan od prijedloga i zahtjeva Vijeća nije uvažen niti se po njemu postupalo.

Imajući u vidu da se Bošnjačko nacionalno vijeće svakodnevno susreće sa problemom ostvarivanja nadležnosti jer postojeća zakonska rješenja ne sadrže kaznene odredbe za nepoštovanje ionako malih ovlašćenja kojima Vijeće raspolaže, neophodno je bez odlaganja omogućiti da Republički savjet za nacionalne manjine ispuní svrhu svog postojanja i obezbijedi poštovanje i realizaciju zakona od strane ministarstava, lokalnih samouprava i drugih pravnih lica.

U to ime očekujem, da uvažite našu potrebu i volju da kroz institucije sistema rješavamo status i položaj Bošnjaka u Republici Srbiji i da u okviru vaših kompetencija utičete da Vlada Republike Srbije, ministarstava i drugi državni organi na ozbiljan i odgovoran način i uz dijalog sa Bošnjačkim nacionalnim vijećem počnu da rješavaju sva otvorena pitanja u odnosu države prema Bošnjacima a koja predstavljaju prepreku i onemogućavaju Srbiju na brže euro integracije i prijem u EU.”



Predsjednik Bošnjačkog nacionalnog vijeća dr. Sulejman Ugljanin uputio je čestitku reis ef. Fejziću povodom dobijanja menšure od Mehmed efendije Görmeza, Diyaneta Turske

ČESTITKA PREDSEDNIKA BNV REISU EF. FEJZIĆU POVODOM PRIJEMA MENŠURE

U čestitki predsjednika Ugljanina se kaže:

"Poštovani reise ef. Fejziću,

Sa velikom radošću smo pratili svečanost, povodom menšure koju ste primili od predsjednika Diyaneta Turske, Mehmed efendije Görmeza.

Tim činom, a na naše veliko zadovoljstvo počinje Vaš treći mandat kao reisa Islamske zajednice u Crnoj Gori.

Nadamo se da ćete Vašim ličnim kvalitetima i afinitetima doprinijeti još skladnijem međureligijskom suživotu u Crnoj Gori.



U ime Bošnjačkog nacionalnog vijeća, i u svoje lično ime želim Vam sreću i uspjeh u radu, na opšte zadovoljstvo i radost svih dobrih ljudi."

S poštovanjem,

Dr. Sulejman Ugljanin, predsjednik Vijeća

DRUGI NTC PROGRAM ZA ODGAJATELJE I UČITELJE U NASTAVI NA BOSANSKOM JEZIKU

U Glavnom uredu Vijeća održan drugi po redu akreditovani program stručnog usavršavanja NTC SISTEM UČENJA, autora dr. Ranka Rajovića i Uroša Petrovića, koji je namijenjen učiteljima i odgajateljima u nastavi na bosanskom jeziku iz Tutina i Sjenice.

Program je akreditovan odlukom Zavoda za unapređivanje obrazovanja i vaspitanja Republike Srbije, a objavljen je u katalogu programa za stručno usavršavanje nastavnika 2015/2016. i nosi 20 bodova.

U obraćanju učesnicima, predsjednik Izvršnog odbora Bošnjačkog nacionalnog vijeća, prof. dr. Hasim Mekić rekao je da je Bošnjačko nacionalno vijeće prepoznalo kvalitet NTC sistema učenja koji podrazumijeva zastupljenost motornih i misaonih aktivnosti u



nastavi, kao i da se takvim načinom učenja, kvalitet nastave na bosanskom jeziku podiže na jedan veći nivo što je jedan od najvećih prioriteta Bošnjačkog nacionalnog vijeća.

DELEGACIJA BNV-A U POSJETI SLOVENIJI

Ovom prilikom predstavnici Bošnjačkog nacionalnog vijeća posjetili su institucije i zvaničnike sa ciljem izgradnje partnerskih odnosa za nastup kod fondova Evropske unije opredjeljenih za prekograničnu saradnju.

Predstavnici Vijeća su također posjetili i kompetentne institucije za izradu projekata po principima Evropske unije, a koji su od značaja za Bošnjake.



BNV NAPUSTILO RADNU GRUPU ZA IZRADU AKCIONOG PLANA ZA OSTVARIVANJE PRAVA NACIONALNIH MANJINA

Bošnjačko nacionalno vijeće upoznalo je javnost o razlozima napuštanja Radne grupe, te naglasilo da će BNV izraditi poseban Akcioni plan za Bošnjake i Sandžak u okviru pregovaračkih poglavlja 23. i 24. u procesu pristupanja Srbije Evropskoj uniji

U saopćenju se između ostalog kaže:

„Uzimajući u obzir činjenicu da je proces pristupanja Evropskoj Uniji od presudnog značaja za budućnost bošnjačkog naroda u Republici Srbiji, Bošnjačko nacionalno vijeće kao najveći predstavnički organ Bošnjaka u Republici Srbiji uzelo je učešće u radu Radne grupe za izradu Akcionog plana za ostvarivanje prava nacionalnih manjina u Republici Srbiji, kao jednog segmenta u okviru pregovaračkog procesa za Poglavlje 23.

Na osnovu dosadašnjeg rada Radne grupe, očigledno je, međutim, da predstavnici državnih organa u ovoj Radnoj grupi ignorišu sve probleme Bošnjaka, bez komentara prelaze preko njih, ne dozvoljavaju da se o njima raspravlja, ignorišu svaki prijedlog bošnjačkih predstavnika za rješavanje tih problema i, čak, ih ne evidentiraju, što po našem dubokom uvjerenju, ne ispunjava svrhu i smisao izrade samog dokumenta.

U skladu sa navedenim, smatramo da dalje uče-

šće bošnjačkih predstavnika u Radnoj grupi za izradu Akcionog plana za ostvarivanje prava nacionalnih manjina u Republici Srbiji nema nikakvog smisla, s obzirom da ne želimo da na takav način damo legitimitet Akcionom planu za manjine koji ne uvažava probleme Bošnjaka i koji ignoriše svaki prijedlog bošnjačkih predstavnika za njihovo rješavanje.

Potpredsjednik Vijeća Muhedin Fijuljanin na današnjoj sjednici Radne grupe za izradu Akcionog plana za manjine obavijestio je Radnu grupu da predstavnici Vijeća iz gore pomenutih razloga neće učestvovati u njenom daljem radu i da je prijedlog akcionog plana nelegitiman za Bošnjačko nacionalno vijeće.

Potpredsjednik Fijuljanin najavio je da će Bošnjačko nacionalno vijeće izraditi poseban Akcioni plan za Bošnjake i Sandžak u okviru pregovaračkih poglavlja 23 i 24 i da će sa sadržinom tih akcionih planova upoznati predstavnike Evropske unije i domaću i međunarodnu javnost.“

Sekretar BNV-a Ahmedin Škrijelj uputio je čestitku predsjedniku Albanskog nacionalnog vijeća gospodinu Jonuzu Musliu, povodom nacionalnog blagdana Albanaca – Dana albanske nacionalne zastave

BNV ČESTITALO DAN ALBANSKE NACIONALNE ZASTAVE

U čestitki se kaže:

„Poštovani gospodine Musliju,

Koristim priliku da u ime Bošnjačkog nacionalnog vijeća i u svoje lično ime, Vama, vijećnicima Albanskog nacionalnog vijeća, kao i svim Albancima iz Preševske doline i Srbije čestitam albanski nacionalni blagdan – Dan albanske nacionalne zastave.

Bošnjačko nacionalno vijeće raduje činjenica da su Albanci i Bošnjaci do danas očuvali tradicionalno dobre odnose i da je zalaganje za mir, ravnopravnost i demokratiju u regijama u kojima vijekovima živimo naša zajednička nit i vrlina.

Naše zajedničko čvrsto opredjeljenje i ciljevi oko koga su okupljena naša dva Vijeća kao najviša predstavnička tijela Albanaca i Bošnjaka u Srbiji kao i

albanski i bošnjački legitimni predstavnici jesu punopravno članstvo u Evropsku uniju države u kojoj živimo kao i njeno članstvo u druge evropske i evroatlantske institucije.

Ispunjenjem tog cilja ostvariće se naše potrebe, težnje, ideali i vrijednosti za koje se zalažemo, a što je od presudnog značaja za budućnost svih manjinskih naroda u Republici Srbiji.

Uvaženi gospodine Musliu, još jednom Vam čestitam Dan albanske nacionalne zastave sa željom da jedinstveni i dobro organizirani nastavite da radite u najboljem interesu Vašeg naroda.

Želimo Vam svako dobro.“

S poštovanjem,
Ahmedin Škrijelj

Predsjedništvo Bošnjačkog nacionalnog vijeća razmatralo je na sjednici 27. novembra okolnosti u vezi povlačenja iz Radne grupe za izradu Akcionog plana za manjine

ZAHTIJEVAMO KONSTRUKTIVAN ODNOS U RADNOJ GRUPI ZA IZRADU AKCIONOG PLANA ZA MANJINE

U ime Bošnjačkog nacionalnog vijeća, predsjednik dr. Sulejman Ugljanin uputio je pismo svim važnim domaćim i međunarodnim institucijama u kojem ih je obavijestio o problemima zbog kojih je predstavnik BNV-a istupio iz Radne grupe za izradu Akcionog plana za ostvarivanje prava nacionalnih manjina u okviru pregovaračkog poglavlja 23 u procesu pristupanja Srbije Evropskoj uniji

Pismo predsjednika dr. Ugljanina prenosimo u cjelosti:

„Vaša ekscelencijo,

Bošnjačko nacionalno vijeće, kao najviše predstavničko tijelo bošnjačkog naroda u Srbiji, je od formiranja Radne grupe za izradu Akcionog plana za nacionalne manjine aktivno učestvovalo u njenom radu.

Polazeći od činjenice da su državni organi Republike Srbije odgovorni za položaj, status i stepen ostvarivanja prava manjina, smatramo da je izrada kvalitetnog Akcionog plana interes naše zemlje da u procesu pristupanja Evropskoj uniji na adekvatan način riješi status i položaj manjina.

Međutim, dosadašnji rad Radne grupe pokazao je da predstavnici državnih organa ignorišu sve probleme Bošnjaka, bez rasprave prelaze preko njih i ignorišu svaki prijedlog bošnjačkih predstavnika, odbijajući čak i da evidentiraju iznijete probleme i prijedloge za njihovo rješavanje.

Evidentno je da kod predstavnika Vlade u Radnoj grupi ne postoji želja da se dođe do rješenja koja će Bošnjacima obezbijediti sigurnost, zaštitu i očuvanje nacionalnog identiteta, ostvarivanje i unapređenje individualnih i kolektivnih prava, ekonomski razvoj, ali i rješavanje svih drugih pitanja koja godinama opterećuju Bošnjake, a koja su od vitalnog značaja.

Mora se imati u vidu činjenica da su Bošnjaci narod nad kojim je izvršen zločin genocida u Srebrenici, narod koji je u Srbiji '90tih godina bio izložen organiziranom državnom terorom sa teškim zločinima koji još uvijek nisu rasvjetljeni niti su njihovi počinioci kažnjeni. U najnovijem izvještaju Minority right group international – MRG Bošnjaci su označeni kao „narod pod prijetnjom“.

Bošnjaci su narod koji nema svoju nacionalnu državu koja bi se mogla zauzeti za rješavanje njihovog statusa.

Iz ovih razloga Bošnjačko nacionalno vijeće kao najviše legitimno predstavničko tijelo u Republici Srbiji ne



može prihvatiti formalno učešće i status nijemog posmatrača u Radnoj grupi za izradu Akcionog plana za manjine.

Bošnjačko nacionalno vijeće će u najkraćem roku održati posebnu sjednicu na kojoj će razmatrati okolnosti nastale u vezi izrade Akcionog plana i o tome blagovremeno upoznati javnost.

BNV ostaje otvoreno za saradnju i konstruktivan dijalog, zato očekujemo od Vlade Republike Srbije da kroz Radnu grupu usvoji važne činjenice od značaja za Bošnjake, uvrsti ih u akcioni plan i tako omogućiti da BNV nastavi svoj rad u Radnoj grupi.“

Iskreno,

Dr. Sulejman Ugljanin,
Predsjednik Vijeća

Pismo je upućeno Predsjedniku Republike, predsjedniku Vlade Srbije, predsjednici Skupštine Srbije, prvom potpredsjedniku Vlade, ministru spoljnih poslova i aktuelnom predsjedavajućem OSCE-a, ministarki državne uprave i lokalne samouprave, ministru pravde, ministarki zaduženoj za evropske integracije, šefu pregovaračkog tima Srbije sa EU i predsjedniku Radne grupe za izradu Akcionog plana za ostvarivanje prava nacionalnih manjina u okviru pregovaračkog poglavlja 23. i obavijestio ih o problemima zbog kojih je predstavnik BNV-a istupio iz Radne grupe.



Bošnjačko nacionalno vijeće
Bosniac National Council
Национални савет бошњачке националне мањине

REPUBLIKA SRBIJA
Predsjednik Republike Srbije
G-din Tomislav Nikolić
Andrićev venac 1, Beograd

Uvaženi gospodine predsjedniče,

Bošnjačko nacionalno vijeće, kao najviše predstavničko tijelo Bošnjačkog naroda u Srbiji, je od formiranja Radne grupe za izradu Akcionog plana za nacionalne manjine aktivno učestvovalo u njenom radu.

Polazeći od činjenice da su državni organi Republike Srbije odgovorni za položaj, status i stepen ostvarivanja prava manjina, smatramo da je izrada kvalitetnog Akcionog plana interes naše zemlje da u procesu pristupanja Evropskoj uniji na adekvatan način riješi status i položaj manjina.

Međutim, dosadašnji rad Radne grupe pokazao je da predstavnici državnih organa ignorišu sve probleme Bošnjaka, bez rasprave prelaze preko njih i ignorišu svaki prijedlog bošnjačkih predstavnika, odbijajući čak i da evidentiraju iznijete probleme i prijedloge za njihovo rješavanje.

Evidentno je da kod predstavnika Vlade u Radnoj grupi ne postoji želja da se dodje do rješenja koja će Bošnjacima obezbijediti sigurnost, zaštitu i očuvanje nacionalnog identiteta, ostvarivanje i unapređenje individualnih i kolektivnih prava, ekonomski razvoj, ali i rješavanje svih drugih pitanja koja godinama opterećuju Bošnjake, a koja su od vitalnog značaja.

Mora se imati u vidu činjenica da su Bošnjaci narod nad kojim je izvršen zločin genocida u Srebrenici, narod koji je u Srbiji '90tih godina bio izložen organizovanom državnom teroru sa teškim zločinima koji još uvijek nisu rasvijetljeni niti su njihovi počinioci kažnjeni. U najnovijem izvještaju Minority right group international – MRG Bošnjaci su označeni kao „narod pod prijetnjom“.

Bošnjaci su narod koji nema svoju nacionalnu državu koja bi se mogla zauzeti za rješavanje njihovog statusa.

Iz ovih razloga Bošnjačko nacionalno vijeće kao najviše legitimno predstavničko tijelo u Republici Srbiji ne može prihvatiti formalno učešće i status nijemog posmatrača u Radnoj grupi za izradu Akcionog plana za manjine.

Bošnjačko nacionalno vijeće će u najkraćem roku održati posebnu sjednicu na kojoj će razmatrati okolnosti nastale u vezi izrade akcionog plana i o tome blagovremeno upoznati javnost.

BNV ostaje otvoreno za saradnju i konstruktivan dijalog, zato očekujemo od Vlade Republike Srbije da kroz Radnu grupu usvoji važne činjenice od značaja za Bošnjake, uvrsti ih u akcioni plan i tako omogućiti da BNV nastavi svoj rad u Radnoj grupi.

Uvaženi gospodine predsjedniče, pozivamo Vas da snagom Vašeg autoriteta pomognete da BNV nastavi učešće u radu Radne grupe za izradu Akcionog plana za nacionalne manjine.

S poštovanjem,

U Novom Pazaru, 27.11.2015. godine
Broj: 1164-01/2015

Predsjednik
Dr. Sulejman Ugljanin

Adresa: Glavni ured Vijeća, 28. novembra bb, 36300 Novi Pazar, Sandžak, Republika Srbija
tel. 381 20 315 608, fax. 381 20 314 107, e-mail: glavni.ured@bnv.org.rs; www.bnv.org.rs





Bošnjačko nacionalno vijeće je 30. novembra održalo posebnu sjednicu povodom okolnosti nastalih u vezi izrade Akcionog plana za manjine

PRJEDLOG IZMJENA AKCIONOG PLANA ZA MANJINE OSNOV ZA TRAJNO RJEŠENJE BOŠNJAČKOG PITANJA U SRBIJI

Tim povodom BNV je usvojilo prijedlog izmjena i dopuna Akcionog plana Republike Srbije za manjine, kao i odluku u kojoj su sadržani dalji koraci koje će Vijeće preduzeti sa ciljem da zahtjevi i potrebe bošnjačkog naroda postanu sastavni dio Akcionog plana Republike Srbije za manjine

Ovaj prijedlog predstavlja osnov za trajno rješavanje bošnjačkog pitanja u Republici Srbiji. O sadržini prijedloga Bošnjačko nacionalno vijeće biće upoznati nadležni državni organi Republike Srbije, relevantne međunarodne institucije i organizacije, kao i domaću i međunarodnu javnost.

žavnog vrha Republike Srbije i ostalih državnih organa da, u skladu sa svojim ovlaštenjima, utiču da se u Akcioni plan za manjine uvrste prijedlozi i zahtjevi BNV-a.

BNV je također uputilo i poziv predstavnicima Evropske unije da prije otvaranja pregovora o poglavlju 23. traže od Republike Srbije da se u Akcioni



Bošnjačko nacionalno vijeće je spremno da, zajedno sa predstavnicima državnih organa Republike Srbije i relevantnih međunarodnih institucija radi na poboljšanju sveukupnog položaja Bošnjaka i implementaciji ciljeva zacrtanih u prijedlogu Vijeća.

Najveće predstavničko tijelo Bošnjaka traži od dr-

plan za manjine uvrste prijedlozi i zahtjevi Vijeća.

Vijeće ostaje otvoreno za konstruktivan dijalog i očekuje da će Vlada preko Radne grupe uvažiti činjenice od značaja za Bošnjake, uvrstiti ih u Akcioni plan i time omogućiti da dobijemo jedan ozbiljan i kvalitetan Akcioni plan za manjine, koji bi imao legitimitet.

Bošnjačko nacionalno vijeće na press konferenciji 7. 12.2015. godine u Beogradu upoznalo javnost sa prijedlogom Vijeća za izmjene i dopune Akcionog plana za manjine u okviru pregovaračkog poglavlja 23.

IZMJENE I DOPUNE AKCIONOG PLANA ZA MANJINE PREDSTAVLJENE JAVNOSTI

Prijedlog izmjena i dopuna Akcionog plana za manjine usvojen je na Posebnoj sjednici Vijeća, a sadrži sve ono što su predstavnici BNV i drugih manjina tražili da bude unijeto u Akcioni plan za ostvarivanje prava nacionalnih manjina tokom učešća u radu Radne grupe Vlade Srbije za izradu Akcionog plana.

Na konferenciji su govorili Muhedin Fijuljanin, potpredsjednik Vijeća i ovlašteni predstavnik Vijeća u Radnoj grupi za izradu Akcionog plana za manjine, Esad Džudžo, potpredsjednik Vijeća i zamjenik predsjednika Koordinacije nacionalnih savjeta nacionalnih manjina, te Ahmedin Škrijelj, sekretar Vijeća.



Siže prijedloga Bošnjačkog nacionalnog vijeća za izmjenu i dopunu akcionog plana za ostvarivanje prava nacionalnih manjina

PRIJEDLOG IZMJENA I DOPUNA AKCIONOG PLANA ZA OSTVARIVANJE PRAVA NACIONALNIH MANJINA U OKVIRU PREGOVARAČKOG POGLAVLJA 23

Bošnjačko nacionalno vijeće usvojilo je, na posebnoj sjednici Vijeća, održanoj 30. novembra 2015. godine, u Novom Pazaru, prijedlog izmjena i dopuna Akcionog plana za ostvarivanje prava nacionalnih manjina u okviru pregovaračkog poglavlja 23.

Najznačajniji prijedlozi vezani su za statusna i pitanja ostvarenja nacionalnih prava Bošnjaka u Republici Srbiji, kroz izmjenu normativnog (ustavnog i zakonskog) okvira kojima bi se obezbjedili adekvatni mehanizmi zaštite prava Bošnjaka i njihovog nacionalnog identiteta.

U ovom tekstu dajemo pregled najznačajnijih prijedloga aktivnosti.

I. STATUSNI POLOŽAJ

- Izmjene ustavno-pravnog okvira kojima bi se unaprijedio status i položaj nacionalnih manjina u Republici Srbiji, izvršila regionalizacija i decentralizacija zemlje kroz regionalni ili neki drugi oblik ili model organizacije vlasti na tzv. srednjem nivou vlasti, poštovanjem tradicionalnih područja na kojima manjine žive i njihove izražene volje, radi efikasnijeg i funkcionalnijeg ostvarenja prava manjina na tom području.

- Rješavanje ustavno-pravnog statusa historijske regije Sandžak u kojoj tradicionalno žive Bošnjaci i statusa Bošnjaka kao autohtonog naroda u Republici Srbiji koji čini brojčano izraženiju manjinsku nacionalnu zajednicu.

- Donošenje novog zakona o manjinama (kao ustavnog, osnovnog ili okvirnog zakona) ili novih Zakona o zaštiti prava i sloboda nacionalnih manjina i Zakona o nacionalnim savjetima nacionalnih manjina kojima bi se obezbijedio adekvatan sistem i mehanizmi ostvarenja i zaštite prava manjina u Republici Srbiji i njihovo djelotvorno učešće u javnom sektoru na svim nivoima.

- Usklađivanje zakonodavnog okvira (posebnih zakona) sa novim Ustavom, kojima se obezbjeđuje njegova adekvatna primjena i efikasno ostvarivanje prava nacionalnih manjina na cijelom području Republike Srbije.

- Ukidanje stare uredbe o upravnim okruzima i sprovođenje nove teritorijalne, administrativno-upravne organizacije države u skladu sa kojom bi područje Sandžaka kao oblik srednjeg nivoa vlasti, odnosno regionalne samouprave, obuhvatalo jedinice lokalne samouprave koje ga tradicionalno čine (grad Novi Pazar i opštine Sjenica, Tutin, Prijepolje, Priboj i Nova Varoš), a u skladu sa iskazanom voljom građana Sandžaka na referendumu od 25. do 27. oktobra 1991. godine.

- Usvajanje izmjena i dopuna sistemskih zakona (novih tekstova zakona) u oblastima važnim za očuvanje nacionalnog

identiteta i ostvarivanje ljudskih i manjinskih prava, usaglašenih sa novim zakonom(ima) o zaštiti manjinskih prava.

- Sprovođenje redovnog upravnog nadzora nad radom jedinica lokalne samouprave u pogledu ostvarivanja prava manjina i izricanje korektivnih i kaznenih mjera.

II. ZABRANA DISKRIMINACIJE

- Usvajanje rezolucije o genocidu u Srebrenici u Narodnoj skupštini Republike Srbije, u skladu sa prijedlogom grupe bošnjačkih narodnih poslanika iz SDA Sandžaka, narodnih poslanika Lige socijaldemokrata Vojvodine i narodne poslanice Demokratske stranke, a koju je Bošnjačko nacionalno vijeće usvojilo na sjednici održanoj 10. 07. 2015. godine.

- Sprovođenje efikasne istrage i sankcionisanje počinioce zločina nad Bošnjacima Sandžaka (rasvjetljavanje i procesuiranje svih oblika nasilja i zločina nad Bošnjacima i njihovim legitimno izabranim predstavnicima), od strane pripadnika državnih organa SRJ i Republike Srbije, tokom 90-tih godina 20. vijeka (rasvjetljavanje masovnih otmica Bošnjaka, nestalih, ubijenih, granatiranja bošnjačkih sela opštine Priboj, organizovanog etničkog čišćenja bošnjačkog stanovništva u Sandžaku tokom '90-tih godina i procesuiranje odgovornih za sve zločine):

- rasvjetljavanje i procesuiranje slučaja Kukurovići (ubistva Bošnjaka u selu Kukurovići, opština Priboj, granatiranjem od strane Užičkog korpusa Vojske SRJ, 18. februara 1993. godine),

- rasvjetljavanje i procesuiranje slučaja Štrpci (otmiče Bošnjaka u stanici Štrci, opština Prijepolje, 27. februara 1993. godine),

- rasvjetljavanje i procesuiranje slučaja Sjeverin (otmiče Bošnjaka u Sjeverinu, opština Priboj, 22. oktobra 1992. godine),

- sprovođenje adekvatne istrage, utvrđivanje svih činjenica i odgovornosti za hapšenje i sprovođenje političkog procesa protiv 24-orice Bošnjaka 1993. godine i progona političkog i nacionalnog rukovodstva Bošnjaka,

- sprovođenje adekvatne istrage i sudskih postupaka protiv odgovornih nalogodavaca i izvršilaca za psihofizičko zlostavljanje Bošnjaka u Sandžaku tokom 90-tih godina 20. vijeka,

- rasvjetljavanje i procesuiranje progona bošnjačkog stanovništva i paljenje naselja Bošnjačka mahala u Kosovskoj Mitrovici (uključujući i paljenje kuće tadašnjeg saveznog poslanika u Vijeću građana SRJ, dr. Sulejmana Ugljanina) od strane pripadnika vojske i policije SRJ i Republike Srbije, u periodu mart - maj 1999. godine.

- Sprovođenje adekvatnog sudskog postupka povodom nasilnog zauzimanja i oružanog upada u prostorije centrale

Bošnjačke liste za evropski Sandžak, napada na njeno rukovodstvo i pokušaja ubistva tadašnjeg ministra i predsjednika SDA Sandžaka i BNV, 17. januara 2009. godine.

- Rasvjetljavanje i procesuiranje svih ostalih krivičnih djela i zločina čije su žrtve Bošnjaci.

- Donošenje novog zakona o lustraciji kojim bi se obuhvatili i procesuirali svi pripadnici državnih organa koju su učestvovali u planiranju, organiziranju i sprovođenju zločina i drugih oblika nasilja nad pripadnicima bošnjačkog naroda u Sandžaku, tokom 90-tih godina 20. vijeka.

- Izmjena svih pravnih akata državnih organa, organa autonomne pokrajine, srednjih nivoa vlasti i jedinica lokalne samouprave koji u sebi sadrže elemente diskriminacije po nacionalnoj, vjerskoj ili jezičkoj osnovi.

- Formiranje posebnog Vladinog radnog tijela za praćenje pojave elemenata diskriminacije u svim segmentima javnog života i njenu eliminaciju.

III. OBLAST KULTURE I MEDIJA

- Analiza postojećeg pravnog okvira u oblasti kulture, izdavaštva, informisanja i njihove izmjene i (ili) dopune u cilju uvažavanja kulturnih vrijednosti i specifičnosti manjinskih naroda i informisanja na manjinskim jezicima pripadnika manjina.

- Obezbjedjivanje održivih mehanizama za ostvarenje javnog interesa u oblasti informisanja na jezicima manjina, na svim nivoima (finansiranje informisanja na jezicima manjina iz državnog i budžeta jedinica lokalnih samouprava),

- Osnivanje javnih medijskih (radiodifuznih) servisa na manjinskim jezicima (obezbjedjenje očuvanja, opstanka i rada medija proglašanih za medije od posebnog značaja za nacionalne manjine i medija u vlasništvu nacionalnih savjeta, kao javnih servisa od interesa za informisanje na jezicima manjinskih naroda. (Izdvojena aktivnost zbog značaja javnih medijskih servisa kao najefikasnijih mehanizama za ostvarenje javnog interesa u oblasti informisanja na manjinskim jezicima.)

- Izrada planova kulturnog razvoja pojedinih područja (regiona) u kojima tradicionalno žive manjine, kao i jedinica lokalnih samouprava koji će uvažiti specifičnosti manjinskih naroda, uz inkluzivan proces i učešće nacionalnih vijeća u njihovoj izradi.

- Obezbjedjenje ravnopravnog tretmana kulturnog naslijeđa manjinskih naroda, kroz:

- izradu sveobuhvatne analize stanja kulturne baštine manjina u Republici Srbiji;

- mapiranje kulturnog naslijeđa (izrada baze kulturnih dobara) manjina i kulturnih institucija od važnosti za zaštitu kulturnog naslijeđa manjina;

- adekvatne mjere zaštite i očuvanja i realizacija konkretnih projekata obnove ili rekonstrukcije kulturnih dobara manjina, u skladu sa posebnim programom i jasno određenim vremenskim okvirom;

- uključanje kulturne baštine manjina u javni školski sistem (nastavne planove i programe i obrazovne sadržaje);

- adekvatan tretman i zastupljenost na javnim medijskim servisima i drugim javnim emiterima, odnosno na programima koji se emituju na manjinskim jezicima;

- uspostavljanje održivih mehanizama razvoja kulturnog stvaralaštva manjina;

- uspostavljanje adekvatnih institucionalnih organizacionih struktura na svim nivoima.

- Revidiranje sistema finansiranja kulturnih aktivnosti nacionalnih savjeta nacionalnih manjina, na način da se obezbijedi održivost tih aktivnosti, uz obezbjeđenje posebnog budžetskog (državnog i lokalnog) finansiranja nacionalnih kulturnih manifestacija manjina.

- Obezbjedjenje očuvanja kulturne baštine manjinskih zajednica od strane jedinica lokalne samouprave kroz stalnu budžetsku liniju namijenjenu finansiranju programa iz te oblasti.

- Uključenje predstavnika nacionalnih savjeta nacionalnih manjina u rad Nacionalnog savjeta za kulturu Republike Srbije.

- Učešće predstavnika nacionalnih savjeta nacionalnih manjina u upravljanju u kulturnim institucijama od značaja za pripadnike manjinskih naroda.

- Podsticanje rada postojećih i/ili osnivanje novih ustanova (zavoda, galerija, biblioteka, fondacija), strukovnih i drugih udruženja, privrednih društava, koja će sprovoditi kulturnu politiku manjina i raditi na očuvanju, zaštiti, afirmaciji i unapređenju kulture manjina uopšte.

- Zaštita, obnova, restauracija i/ili rekonstrukcija materijalnih kulturnih dobara Bošnjaka:

- Restauracija Amir-aginog hana u Novom Pazaru,

- Restauracija kompleksa Valide sultan džamije u Sjenici,

- Rješavanje imovinsko-pravnog statusa i rekonstrukcija Gazi Isa-begovog hamama u Novom Pazaru,

- Rekonstrukcija i restauracija Novopazarske tvrđave,

- Rekonstrukcija Musalle u Prijepolju,

- Rekonstrukcija lokaliteta Gluhavica u Tutinu,

- Rekonstrukcija lokaliteta Trgovište (Pazarište) u Novom Pazaru,

- Rekonstrukcija Jusovića kule u Prijepolju,

- Rješavanje imovinsko-pravnog statusa i rekonstrukcija Sjeničkih kršli,

- Zaštita i rekonstrukcija drugih kulturnih dobara Bošnjaka.

- Zaštita nematerijalnog kulturnog naslijeđa manjinskih naroda.

IV. SLOBODA VJEROISPOVIJESTI

- Restitucija, odnosno povraćaj vakufske imovine njenom titularu.

- Adekvatno rješavanje radno-pravnog statusa nastavnika vjeronauke u osnovnim i srednjim školama.

- Razvoj i sprovođenje različitih programa sa ciljem prevazilaženja pojedinih vjerskih predrasuda i stereotipa i negativnog odnosa prema pojedinim religijama, naročito prema islamu.

V. UPOTREBA JEZIKA I PISMA

- Usklađivanje zakonodavnog okvira (Zakona o državnoj upravi, Zakona o lokalnoj samoupravi, zakona o zapo-

slenima u jedinicama lokalne samouprave i dr. zakona), u skladu sa kojim se:

- predviđa vođenje kadrovske evidencije kod poslodavca, u okviru koje se navode podaci i o poznavanju jezika nacionalnih manjina;

- određuju posebni potrebni uslovi za zaposlene na pojedinim radnim mjestima u pogledu poznavanja jezika nacionalnih manjina, u skladu sa izmjenama drugih sistemskih zakona.

- Usvajanje i primjena Uredbe kojom se uređuje poznavanje jezika i pisama nacionalnih manjina, kao poseban uslov za obavljanje poslova na pojedinim radnim mjestima na svim nivoima vlasti u širem javnom sektoru.

- Sprovođenje redovnih inspekcijskih kontrola, upravnog nadzora i adekvatnih postupaka, u vezi službene upotrebe jezika i pisma u svim oblastima javnog života, u skladu sa odredbama Okvirne konvencije za zaštitu nacionalnih manjina i Evropske povelje o regionalnim ili manjinskim jezicima, u jedinicama lokalne samouprave na području Sandžaka.

VI. OBRAZOVANJE

- Unapređenje pravnog okvira, ujednačena primjena prava na obrazovanje na manjinskim jezicima i obezbjeđenje dosljednog sprovođenja prava na obrazovanje manjina u čitavoj Srbiji u skladu sa njihovim zahtjevima na nivou svake jedinice lokalne samouprave, naročito kroz:

- obezbjeđenje slobodnog i neometanog postupka izjašnjavanja učenika i roditelja o jeziku nastave u predškolskom, osnovnom i srednjem obrazovanju,

- smanjenje broja potrebnih učenika za formiranje odjeljenja ispod 15 učenika za obrazovanje na manjinskim jezicima,

- utvrđivanje adekvatnih mehanizama državne pomoći, kroz obezbjeđenje stipendija i drugih podsticajnih mjera za učenike i studente koji se obrazuju na jezicima manjina.

- Izmjene nastavnih planova i programa obrazovanja koji će uvažiti potrebe manjinskih naroda u oblasti obrazovanja sa ciljem očuvanja njihovog nacionalnog identiteta, u okviru kojih treba posebno sprovesti:

- izbacivanje iz nastavnih planova i programa u nastavi na manjinskim jezicima svih sadržaja kojima se diskriminišu manjine i dovodi u pitanje njihov nacionalni identitet (posebno Albanaca, Bošnjaka, Roma, Bunjevaca).

- integrisanje manjinskih sadržaja u plan i program nacionalne grupe predmeta (maternji jezik, historija, geografija, muzička i likovna kultura), u skladu sa potrebama, identitetom, obilježjima i simbolima manjinskih naroda.

- identifikaciju sadržaja i uvođenje u programe formalnog obrazovanja tema koje razvijaju znanje o manjinskim pravima i osnovnim karakteristikama nacionalnih manjina koje žive u Republici Srbiji,

- podsticanje sadržaja koji doprinose promociji multikulturalnosti i međunarodnog uvažavanja i tolerancije.

- Realizacija zaključka Vlade Republike Srbije o usvajanju "Izveštaja sa prijedlogom mjera za ostvarivanje prava Bošnjaka na obrazovanje na maternjem jeziku u Republici Srbiji", od 1. novembra 2013. godine.

- Praćenje i unapređenje kvaliteta obrazovanja na jezicima nacionalnih manjina.

- Otvaranje odgovarajućih studijskih grupa (katedri) na državnim univerzitetima na manjinskim jezicima - osnivanje lektorata za hrvatski jezik na Filozofskom fakultetu u Novom Sadu, Univerziteta u Novom Sadu, i lektorata za bosanski jezik na Državnom univerzitetu u Novom Pazaru.

- Regulisanje pravnog statusa i izdavanje odgovarajućih dozvola za rad obrazovnim ustanovama i institucijama koje su od značaja za očuvanje i unapređenje identiteta Bošnjaka.

- Definisanje kataloga autorskih i prevedenih udžbenika za nastavu na manjinskim jezicima i obezbjeđenje njihove izrade ili prevođenja.

- Obezbjedenje pripreme i izrade udžbenika na jezicima manjina, obezbjeđenje kvalitetnih prijevoda udžbenika na jezike manjina.

- Obezbjedenje obaveznog budžetskog finansiranja štampanja (izdavanja) udžbenika na jezicima manjina od strane državnog izdavača.

- Donošenje posebnog pravilnika o uvozu udžbenika na jezicima manjina kojim će se pojednostaviti i ubrzati procedure za uvoz.

VII. DEMOKRATSKA PARTICIPACIJA

- Izmjene izbornog zakonodavstva kojima bi se obezbijedilo:

- učešće manje brojnih manjina u predstavničkim organima na svim nivoima, uz zadržavanje prirodnog praga za stranke nacionalnih manjina,

- smanjenje broja potrebnih potpisa podrške izbornim listama manjina na broj potrebnih osnivača stranaka manjina.

- Uključenje predstavnika manjina u rad komisija, odbora, stručnih i drugih radnih tijela najviših predstavničkih i izvršnih organa na svim nivoima.

- Uključenje predstavnika nacionalnih savjeta nacionalnih manjina u izradu svih dokumenata, programa i projekata na svim nivoima (državnom, pokrajinskom, regionalnom i lokalnom) koji mogu utjecati na ostvarivanje prava nacionalnih manjina, a posebno u programima i projektima koji mogu doprinijeti poboljšanju ekonomskog položaja pripadnika manjinskih zajednica.

VIII. ODGOVARAJUĆA ZASTUPLJENOST PRIPADNIKA NACIONALNIH MANJINA U JAVNOM SEKTORU I JAVNIM PREDUZEĆIMA

- Izmjene zakonskog okvira u skladu sa kojim se, između ostalog, uređuje poznavanje jezika i pisama nacionalnih manjina, kao poseban uslov za obavljanje poslova na pojedinim radnim mjestima, a u cilju potpunijeg ostvarivanja pripadnika nacionalnih manjina na komunikaciju na jeziku nacionalne manjine koji je u službenoj upotrebi u jedinici lokalne samouprave.

- Izrada plana i sprovođenje aktivnih mjera zapošljavanja pripadnika nacionalnih manjina do postizanja odgovarajuće/srazmjerne strukture zaposlenih u javnom sektoru i

javnim preduzećima, u skladu sa podacima iz centralnog registra zaposlenih u javnom sektoru i javnim preduzećima, odnosno ostvarivanja srazmjerne zastupljenosti manjina u organima državne uprave, lokalnim, regionalnim i pokrajinskim organima, policiji i pravosuđu, te u širem javnom sektoru (javna preduzeća, škole itd.), uključujući i jačanje kompetencija mladih pripadnika nacionalnih manjina za rad u državnim institucijama u Republici Srbiji”.

- Donošenje zakona i podzakonskih akata iz oblasti pravosuđa kojima će se omogućiti uspostavljanje privrednih sudova u Sandžaku, apelacionih sudova i tužilaštava u Sandžaku, otvaranje odjeljenja Upravnog suda za Sandžak, osnivanje Pravosudne akademije za područje Sandžaka ili otvaranje odjeljenja Pravosudne akademije iz Beograda za područje Sandžaka, kao i adekvatno popunjavanje sudijskih i javnotužilačkih funkcija u skladu sa nacionalnom strukturom stanovništva.

IX. NACIONALNI SAVJETI NACIONALNIH MANJINA

- Izmjena zakonodavnog okvira iz oblasti manjinskih prava i nacionalnih savjeta nacionalnih manjina u cilju obezbjeđenja adekvatnijeg sistema i mehanizama ostvarenja i zaštite prava manjina u Republici Srbiji i njihovog djelotvornog učešća u javnom sektoru na svim nivoima, naročito kroz:

- jasno određenje prava pripadnika manjinskih naroda, mehanizama za ostvarenje tih prava, utvrđivanje kaznenih odredbi za nepoštovanje ili kršenje prava,

- jasnu i preciznu definiciju pravnog statusa nacionalnih vijeća, jačanjem i proširivanjem njihovih nadležnosti i ovlašćenja posebno na oblasti: sprečavanja diskriminacije, održivog ekonomskog razvoja, demokratske participacije, zastupljenosti pripadnika manjinskih naroda u predstavničkim tijelima i javnom sektoru na svim nivoima vlasti i oblika organizacije, saradnje sa dijasporom i prekogranične saradnje, turizma, itd., obezbjeđenje adekvatnih i stabilnih finansijskih sredstava za njihov rad,

- novo definisanje organa nacionalnih savjeta, razgraničenje i podjela nadležnosti između tih organa kako bi nacionalni savjeti bili efikasniji u izvršavanju zakonom propisanih nadležnosti,

- usklađivanje izbornog postupka i izbornih pravila za izbor nacionalnih savjeta sa izbornim postupkom i pravilima koji se primjenjuju prilikom izbora državnih i organa lokalne samouprave,

- pravo veta nacionalnih vijeća na sve pravne akte koji na bilo koji način tretiraju prava manjina i nadležnosti nacionalnih vijeća,

- precizno zakonsko regulisanje finansiranja rada nacionalnih vijeća iz državnog, pokrajinskog, regionalnog i budžeta jedinica lokalnih samouprava,

- propisivanje adekvatnih sankcija za nepoštovanje zakonom utvrđenih nadležnosti nacionalnih savjeta.

- Uspostavljanje odgovarajuće budžetske pozicije u zakonu o budžetu sa adekvatnim procentom izdvajanja za rad nacionalnih savjeta nacionalnih manjina i rad fonda za nacionalne manjine.

- Uspostavljanje odgovarajućih zakonskih garancija za finansiranje rada nacionalnih savjeta na lokalnom nivou (od strane jedinica lokalne samouprave).

X. EKONOMSKI POLOŽAJ PRIPADNIKA MANJINSKIH ZAJEDNICA

- Izrada socio-ekonomske analize o stanju manjina na području Republike Srbije sa indeksom ljudskog razvoja (mjerljivim indikatorima UN), sa prijedlogom mjera za poboljšanje uslova života u regionima u kojima u pretežnom broju žive manjine (Sandžak, Istočna Srbija).

- Uklanjanje administrativnih barijera za brži ekonomski razvoj područja i jedinica lokalne samouprave u kojima žive pripadnici manjina,

- Donošenje posebnog programa održivog razvoja i strateških planova razvoja za Sandžak i druga područja u kojima tradicionalno žive pripadnici manjina,

- Formiranje posebnog državnog budžetskog fonda za razvoj nedovoljno razvijenih područja gdje tradicionalno žive nacionalne manjine,

- Donošenje plana za poboljšanje stanja putne infrastrukture u područjima i jedinicama lokalne samouprave u kojima žive manjine, sa rokovima izvršenja,

- Utvrđivanje adekvatnog modela turističkog razvoja područja i jedinica lokalne samouprave u kojima žive pripadnici manjina,

- Utvrđivanje adekvatnih organizacionih struktura javnih službi kojima će se obezbijediti neometan i intenzivniji razvoj područja i jedinica lokalne samouprave u kojima žive pripadnici manjina,

- Utvrđivanje organizacionih struktura javnih preduzeća, ustanova i drugih institucija sa javnim ovlašćenjima kojima će se obezbijediti neometan i intenzivniji razvoj područja i jedinica lokalne samouprave u kojima žive pripadnici manjina,

- Utvrđivanje adekvatnog modela upravljanja prirodnim resursima područja i jedinica lokalne samouprave u kojima žive pripadnici manjina, naročito rudnog, šumskog i vodnog bogatstva.

- Izmjene i dopune Prostornog plana Republike Srbije kojim će se omogućiti nesmetan ekonomski razvoj i izgradnja adekvatne infrastrukture za održivi razvoj Sandžaka i drugih područja u kojima žive manjine.

- Realizacija programa povratka protjeranih i raseljenih Bošnjaka tokom 90-tih godina 20. vijeka iz sela u opštinama Prijepolje i Priboj.

XI. MEĐUNARODNA SARADNJA

- Izrada zajedničkih planova i programa prekogranične saradnje u oblasti ekonomskog razvoja, putne i druge infrastrukture i turizma.

- Izrada zajedničkih planova i programa prekogranične saradnje u oblasti obrazovanja, kulture, medija i službene upotrebe jezika i pisma.

- Izrada zajedničkih prekograničnih i drugih programa i projekata za korištenje fondova Evropske unije.

Poslaničko pitanje predsjednika poslaničke grupe „SDA Sandžaka – PDD“ i predsjednika Bošnjačkog nacionalnog vijeća dr. Sulejmana Ugljanina na sjednici Skupštine Srbije održane 1. decembra 2015. godine

VLADA DA OBJASNI ZAŠTO I SA KOJIM CILJEM IGNORIŠE PROBLEME BOŠNJAKA

Predsjednik je, između ostalog, pitao, Zašto i sa kojim ciljem Vlada Srbije preko svoje Radne grupe odbija da u Akcioni plan za manjine, uvrsti probleme i prijedloge Bošnjaka koje predlažu legitimni predstavnici Bošnjaka u ovoj Radnoj grupi?

Obraćanje predsjednika Ugljanina u Skupštini Srbije, 1. decembar 2015. godine

„Uvažena predsjednice, koleginice i kolege narodni poslanici, tražim objašnjenje od predsjednika Vlade, ministra spoljnih poslova, ministarke državne uprave i lokalne samouprave, ministarke pravde, te ministarke zadužene za evropske integracije, šefa pregovaračkog tima Srbije sa EU i predsjednika Radne grupe za izradu Akcionog plana, zašto i sa kojim ciljem Vlada preko svoje Radne grupe odbija da u Akcioni plan za manjine, uvrsti probleme i prijedloge Bošnjaka koje predlažu njihovi legitimni predstavnici u Radnoj grupi?

Pitam da li Vlada uopće planira da izvrši ispravku Akcionog plana i uvaži one sugestije koje od samog početka u Radnoj grupi predlažu legitimni manjinski predstavnici?

Ja želim da vas obavijestim da je Bošnjačko nacionalno vijeće, kao najviše predstavničko tijelo Bošnjačkog naroda u Srbiji, od formiranja Radne grupe za izradu Akcionog plana za nacionalne manjine 7. aprila ove godine, aktivno i konstruktivno učestvovalo u njenom radu.

Polazeći od činjenice da su državni organi Republike Srbije odgovorni za položaj, status i stepen ostvarivanja prava manjina, smatramo da je izrada kvalitetnog Akcionog plana interes naše zemlje da na adekvatan način riješi status i položaj manjina.

Međutim, pokazalo se da predstavnici Vlade u Radnoj grupi ignorišu probleme Bošnjaka i svaki prijedlog bošnjačkih predstavnika, odbijajući čak i da evidentiraju iznijete probleme i prijedloge za njihovo rješavanje.

Evidentno je da kod predstavnika Vlade u Radnoj grupi ne postoji želja da se dođe do rješenja koja će Bošnjacima obezbijediti sigurnost, zaštitu i očuvanje nacionalnog identiteta, ostvarivanje i unapređenje individualnih i kolektivnih prava, ekonomski razvoj, ali i rješavanje svih drugih pitanja koja godinama opterećuju

Bošnjake, a koja su od vitalnog značaja.

Mora se imati u vidu činjenica da su Bošnjaci narod nad kojim je izvršen genocid u Srebrenici, narod koji je u Srbiji '90tih godina bio izložen organiziranom državnom terorom sa teškim zločinima koji još uvijek nisu rasvijetljeni, niti su njihovi počinioci kažnjeni. U najnovijem izvještaju Minority right group international – MRG Bošnjaci su označeni kao „narod pod prijetnjom“.

Bošnjaci su narod koji nema svoju nacionalnu državu koja bi se mogla zauzeti za rješavanje njihovog statusa.

Podsjećam da u izvještaju Evropske komisije o napretku Srbije stoji da u Sandžaku, između ostalih problema i dalje vlada izrazito velika

nezapošljenost, loša infrastruktura i nedovoljna zastupljenost Bošnjaka u državnim organima i institucijama sa javnim ovlaštenjima.

Iz ovih razloga legalni i legitimni predstavnici Bošnjaka u Republici Srbiji ne mogu i neće prihvatiti formalno učešće i status

nijemog posmatrača u Radnoj grupi za izradu Akcionog plana za manjine, zato je 23. novembra BNV napustilo rad u ovom tijelu.

Iz takvih razloga manjinska poslanička grupa SDA Sandžaka – PDD koju čine legitimni predstavnici Albanaca Preševske doline i Bošnjaka Sandžaka od 16. januara ne učestvuje u radu skupštinskog odbora za manjine.

Zato pitam Vladu Republike Srbije da li će preko svojih predstavnika u Radnoj grupi uvažiti činjenice od značaja za Bošnjake, uvrstiti ih u Akcioni plan i time omogućiti da dobijemo jedan ozbiljan i kvalitetan Akcioni plan za manjine, koji bi imao legitimitet.

Zašto u Radnoj grupi za izradu Akcionog plana za manjine do sada nisu uključeni i narodni poslanici birani na manjinskim listama koji zajedno sa nacionalnim vijećima nose najveći legitimitet?

Zbog važnosti ovog pitanja i kratkih rokova očekujem da odgovore na ova pitanja dobijem u najkraćem mogućem roku.“



Nakon napuštanja Radne grupe za izradu Akcionog plana za ostvarivanje prava nacionalnih manjina

KOORDINACIJA NACIONALNIH SAVJETA TRAŽI STVARANJE USLOVA ZA POVRATAK BNV U RADNU GRUPU

Koordinacija je zaključila da su njihovi dosadašnji prijedlozi ignorisani i potpuno zanemareni

Koordinacija Nacionalnih saveta nacionalnih manjina na sednici održanoj dana 8. 12. 2015. godine u Novom Sadu u potpunosti podržava želju svih zainteresovanih strana da se izradi nacrt Akcionog plana za ostvarivanje prava nacionalnih manjina koji će rezultirati kvalitetnim tekstom koji u punoj mjeri izražava želje i potrebe i rezultat je inkluzivnog procesa izrade.

Na žalost moramo da konstatujemo da sa nekoliko prethodnih sednica nisu dostavljeni zapisnici i spiskovi prisutnih. Još veći problem predstavlja činjenica da veliki broj predloga izmena i dopuna na predloženi tekst AP nije uopšte razmatran, i da su predlozi dostavljeni od strane nacionalnih saveta po pravilu ignorisani, što nije u duhu deklarisanog inkluzivnog procesa donošenja AP.

Iz tog razloga tražimo da se u roku od sedam dana svim članovima radne grupe dostave zapisnici i spiskovi prisutnih za svaku sednicu radne grupe ponaosob.

Tražimo da predlozi koji do sada nisu razmatrani ili



iz drugih razloga nisu ušli u trenutni predlog nacrtu AP budu uvršteni u celosti na listu koja nosi naslov „sporna pitanja“, koja su se pojavila tokom dosadašnjih sednica radne grupe, a koja bi se u buduću nazvala „sporna i ne razmatrana pitanja“, bez čijeg adekvatnog razmatranja se ne sme zaključiti tekuća faza izrade nacrtu teksta AP.

Koordinacija očekuje od nadležnih državnih organa da stvori uslove za povratak predstavnika BNV u radnu grupu.

Međunarodni dan ljudskih prava – 10. decembar, prava je prilika da se ukaže na činjenicu da se Bošnjacima u Republici Srbiji uskraćuju prava u svim oblastima društvenog života

RIJEŠITI STATUSNA I OSTALA PITANJA OD ZNAČAJA ZA BOŠNJAKE

**U svom saopćenju BNV ukazuje na činjenicu da se u Srbiji Bošnjacima uskraćuju
Ustavom i zakonima zagarantovana prava**

10. decembra, na Međunarodni dan ljudskih prava, Bošnjačko nacionalno vijeće izrazilo je očekivanje da će se u procesu evropskih integracija Republike Srbije riješiti statusna i sva ostala pitanja od značaja za Bošnjake na ovim prostorima, čime bi ostvarivanje njihovih prava prestalo biti predmet političke volje bilo koga.

Međunarodni dan ljudskih prava je prilika da se ukaže na činjenicu da se Bošnjacima u Republici Srbiji uskraćuju prava u svim oblastima društvenog života i da je obaveza vlasti u Srbiji da to stanje izmijeni, poštujući sva međunarodna dokumenta.

S tim u vezi, Bošnjačko nacionalno vijeće ponovo traži od Vlade Republike Srbije da u Akcionom planu za ostvarivanje prava nacionalnih manjina uvrsti prijedloge koje je Vijeće usvojilo na sjednici 30. novembra 2015. godine,



kao i prijedloge drugih nacionalnih savjeta.

Međunarodni dan ljudskih prava obilježava se 10. decembra, na dan kada je 1948. godine Generalna skupština Ujedinjenih naroda usvojila Univerzalnu deklaraciju o ljudskim pravima, kojom se svakom ljudskom biću garantuju ljudska prava i slobode.

Zbog ugrožene bezbjednosti predsjednika Ugljanina, njegovih saradnika i članova njihovih porodica

BNV TRAŽI SASTANAK SA MINISTROM POLICIJE

Bošnjačko nacionalno vijeće očekuje od ministra Stefanovića da preduzme adekvatne radnje u cilju stvaranja uslova da BNV nesmetano nastavi sa obavljanjem Ustavom i zakonom utvrđenih nadležnosti

Zbog sve učestalijeg ugrožavanja lične bezbjednosti predsjednika Bošnjačkog nacionalnog vijeća, njegovih najbližih saradnika, članova njihovih porodica i drugih pokušaja koji imaju za cilj da se onemogući rad BNV kao najvišeg predstavničkog tijela Bošnjaka, Vijeće je uputilo zahtjev ministru policije Nebojši Stefanoviću za hitan razgovor na tu temu.

Bošnjačko nacionalno vijeće smatra da su ovi

najnoviji napadi direktna posljedica neadekvatne reakcije i tolerantnog odnosa nadležnih državnih organa na ranije ugrožavanje života i imovine legitimnih predstavnika Bošnjaka Sandžaka.

Bošnjačko nacionalno vijeće očekuje da će ministar unutrašnjih poslova naložiti nadležnim organima i službama da preduzmu adekvatne radnje kako bi se stvorili uslovi i omogućilo da BNV obavlja Ustavom i zakonom utvrđene nadležnosti.

Zaštitnik građana utvrdio da Ministarstvo prosvjete krši prava Bošnjaka u Srbiji

OŠ "SELAKOVAC" IMA PRAVO NA PROMENU NAZIVA U „AVDO MEĐEDOVIĆ“

U svojoj Preporuci Zaštitnik građana ističe da Ministarstvo nevršenjem svojih poslova, grubo krši prava Bošnjaka i preporučuje Ministarstvu da bez bilo kakvog odlaganja da saglasnost na promjenu naziva osnovne škole „Selakovac“

Zaštitnik građana Republike Srbije je, na osnovu pritužbe Bošnjačkog nacionalnog vijeća, u preporuci od 8.12.2015. godine utvrdio da je Ministarstvo prosvjete prekršilo zakon odbijanjem zahtjeva OŠ „Selakovac“ za promjenu naziva škole.

Bošnjačko nacionalno vijeće je 2013. godine proglasilo OŠ „Selakovac“ za ustanovu od posebnog značaja za obrazovanje Bošnjaka i dalo preporuku da ova škola nosi ime Avda Međedovića, najvećeg bošnjačkog epskog pjesnika koji se izučava na Harvardu i Kembridžu.

Bošnjačko nacionalno vijeće podsjeća da je zbog sličnog ignorisanja prava Bošnjaka od strane državnih organa, BNV napustilo Radnu grupu za izradu Akcionog plana za manjine, odnosno odlučilo da sačini svoj prijedlog Akcionog plana u kojem će posebna pažnja biti posvećena pravu Bošnjaka na obrazovanje na svom maternjem, bosanskom jeziku.

Bošnjačko nacionalno vijeće će insistirati na ostvarivanju svih prava Bošnjaka koja su garantovana Ustavom i zakonima Srbije i u tom smislu će u



narednom periodu nastaviti aktivnosti za promjenu naziva osnovnih škola u Sandžaku u kojima se nastava izvodi na bosanskom jeziku.

Sastanak predsjednika Bošnjačkog nacionalnog vijeća dr. Sulejmana Ugljanina i ambasadora Republike Hrvatske u Srbiji N.J.E. Gordana Markotića

IZRADITI LEGITIMAN AKCIONI PLAN ZA MANJINE

Dr. Ugljanin i ambasador Markotić su razgovarali na temu Akcionog plana za manjine u okviru poglavlja 23 o pristupanju Srbije EU i okolnostima koje su pratile njegovu izradu

Predsjednik Bošnjačkog nacionalnog vijeća je istakao da je neophodno da se izradi nacrt Akcionog plana koji u potpunosti odražava težnju legitimnih predstavnika manjina da se izradi kvalitetan tekst koji bi bio rezultat inkluzivnog procesa njegove izrade.

Dr. Ugljanin je upoznao ambasadora Markotića da u Akcionom planu za manjine, koji je stavljen na javnu raspravu u Srbiji, nisu ugrađeni zvanični zahtjevi, prijedlozi, primjedbe i komentari legitimnih predstavnika nacionalnih manjina u Radnoj grupi i da kao takav Akcioni plan ne može imati legitimitet



niti treba biti usvojen od strane Evropske komisije.

BNV uputilo zahtjev predsjedniku Srbije, predsjedniku Vlade, predsjednici Skupštine, ministru pravde, Odboru skupštine za pravosuđe, državnu upravu i lokalnu samoupravu i Državnom vijeću tužilaca Srbije za obezbjeđivanje zastupljenosti Bošnjaka u postupku izbora javnih tužilaca na područjima za koje su mjesno nadležna Viša javna tužilaštva u Novom Pazaru i Užicu

ZAUSTAVITI DISKRIMINACIJU I ISPRAVITI NEPRAVDU U PRAVOSUĐU PREMA BOŠNJACIMA

U dopisu je jasno izražen protest zbog nastavka diskriminacije Bošnjaka u oblasti pravosuđa i zahtjev za usaglašavanje nacionalne strukture nosilaca javnotužilačke funkcije u Sandžaku sa nacionalnom strukturom stanovništva u sandžačkim opštinama

Ukoliko se ova i ovakva diskriminacija i nepravde ne isprave, te ukoliko se nastavi sa grubim kršenjem Ustava i zakona Republike Srbije i ignorisanjem preporuka nadležnih međunarodnih institucija, BNV upozorava da će se ozbiljno dovesti u pitanje legitimitet i legalitet pravosudnih organa u Sandžaku u odnosu na Bošnjake.

Znajući da suverenost potiče od građana i da su građani Republike Srbije bošnjačke nacionalnosti, između ostalih, nosioci njene suverenosti, svako nepoštovanje, ignorisanje i uskraćivanje ostvarivanja prava pripadnika bošnjačke nacionalne zajednice predstavlja rušenje i obesmišljavanje pravnog poretka Republike Srbije.

Bošnjačko nacionalno vijeće zahtijeva poštovanje odredaba III mišljenja Savjetodavnog komiteta Parlamentarne skupštine Savjeta Evrope kao i postupanje po Izvještaju Evropske komisije o napretku Srbije u 2015. godini, u okviru izvještaja o poglavlju

23 „pravosuđe i osnovna prava“, u kome je konstatovano da Bošnjaci u Sandžaku i dalje nisu dovoljno zastupljeni u sudstvu i policiji.

Prijedlogom za izmjene i dopune Akcionog plana za ostvarivanje prava manjina, Bošnjačko nacionalno vijeće, zahtijevalo je od državnih organa da hitno obezbijede usaglašavanje nacionalne strukture u policiji, sudstvu i tužilaštvu, ali i uspostavljanje Apelacionog suda i tužilaštva za područje Sandžaka, uspostavljanje privrednih sudova za Sandžak, otvaranje odjelenja upravnog suda kao i osnivanje pravosudne akademije za Sandžak.

Bošnjačko nacionalno vijeće ne prihvata ovakvo stanje i traži od Evropske unije i drugih međunarodnih institucija da učine dodatne napore i pomognu Vladi Srbije i drugim državnim institucijama da isprave ovu nepravdu i obezbijede adekvatnu zastupljenost Bošnjaka u sudstvu i tužilaštvu.

U BNV-u Predstavljen prijedlog obrazovnih standarda za bosanski jezik

RAZVOJ STANDARDA ZA BOSANSKI JEZIK

Prezentaciji su prisustvovali nastavnici bosanskog jezika u Sandžaku, vijećnici Bošnjačkog nacionalnog vijeća kao i predstavnici nevladinog sektora

Radna grupa Zavoda za vrednovanje kvaliteta obrazovanja i vaspitanja, u prostorijama Bošnjačkog nacionalnog vijeća, predstavila je prijedlog obrazovnih standarda za bosanski jezik za kraj drugog ciklusa osnovnog obrazovanja.

Prijedlog obrazovnih standarda za bosanski jezik je izrađen u okviru projekta "Razvoj standarda za bosanski jezik" koji provodi Zavod za vrednovanje kvaliteta obrazovanja i vaspitanja iz Beograda, a preko Radne grupe koju čine nastavnici bosanskog jezika Azemina Bojadžić, Edina Salihović i Dino Lotinac, te konsultanti prof. dr. Sead Šemsović i prof. dr. Amira Turbić-Hadžagić.

Na prezentaciji su članovi i konsultanti Radne grupe, predstavili definirane oblasti predmete, opće i specifične predmetne kompetencije, te oblasti jezika, književnosti i jezičke kulture kroz osnovni,



nakon osmog razreda osnovne škole te da prva generacija koja će polagati Malu maturu na bosanskom jeziku završava osmi razred 2017. godine.

Projekat "Razvoj obrazovnih standarda za bosanski jezik" koji je pokrenut početkom 2015. godine, a na zahtjev Bošnjačkog nacionalnog vijeća je trenutno u svojoj posljednjoj fazi.



srednji i napredni nivo prijedloga standarda.

Ajsela Hadžiahmetović, u svojstvu saradnika Zavoda za vrednovanje kvaliteta obrazovanja i vaspitanja je na prezentaciji govorila o obrazovnim standardima uopće te tijeku projekta "Razvoj obrazovnih standarda za bosanski jezik".

Prof. dr. Sead Šemsović, konsultant Radne grupe i autor nastavnih planova i programa i udžbenika koji su u upotrebi u nastavi na bosanskom jeziku, na prezentaciji je istakao značaj standarda u procesu razvoja obrazovanja na bosanskom jeziku u Republici Srbiji i dodao da su standardi krovni akt obrazovanja na temelju koga će se izraditi testovi za Završni ispit

Naime, anketiranje nastavnika bosanskog jezika u Sandžaku o izrađenom prijedlogu obrazovnih standarda je provedeno u mjesecu novembru, a rezultati anketiranja se očekuju u januaru 2016. godine.

Nakon unošenja eventualnih prijedloga izmjena dobijenih putem anketiranja, obrazovni standardi se usvajaju od strane Nacionalnog prosvjetnog savjeta, te postaju dio obrazovnog procesa na bosanskom jeziku u Sandžaku.

Bošnjačko nacionalno vijeće se zahvaljuje svim školama i nastavnicima koji su učestvovali u anketiranju za obrazovne standarde koje je provedeno u mjesecu novembru.

U nastavku svojih diplomatskih aktivnosti sa ambasadorima država članica Evropske unije predsjednik BNV-a dr. Sulejman Ugljanin se sastao sa ambasadorom Rumunije, Nj.E. Danijelom Banua

INICIJATIVA ZA IZRADU LEGITIMNOG AKCIONOG PLANA ZA MANJINE

Dr. Ugljanin je upoznao ambasadora Banua da zvanični zahtjevi, prijedlozi, primjedbe i komentari legitimnih predstavnika nacionalnih manjina u Radnoj grupi nisu uvršteni u Akcioni plan za manjine

U Beogradu je 23. decembra održan sastanak ambasadora Rumunije Nj.E. Danijela Banua i predsjednika Bošnjačkog nacionalnog vijeća dr. Sulejmana Ugljanina na temu Akcionog plana za manjine u okviru poglavlja 23 o pristupanju Srbije EU i okolnostima koje su do sada obilježile izradu tog plana.

Dr. Ugljanin je upoznao ambasadora Banua da zvanični zahtjevi, prijedlozi, primjedbe i komentari legitimnih predstavnika nacionalnih manjina u Radnoj grupi nisu uvršteni u Akcioni plan za manjine, te da takav Akcioni plan nema potreban legitimitet, a samim tim i ne treba biti usvojen od strane Evropske komisije. S tim u vezi predsjednik Bošnjačkog nacionalnog vijeća je istakao da je neophodno da se izradi nacrt Akcionog plana koji u potpunosti odražava težnju legitimnih predstavnika manjina da se izradi kvalitetan tekst koji bi bio rezultat inkluzivnog procesa njegove izrade.



Na sastanku je naglašena podrška Srbiji na njenom evropskom putu i procesu usaglašavanja domaćeg zakonodavstva sa evropskim.

S tim u vezi dr. Ugljanin je istakao potrebu da i narodni poslanici birani sa manjinskih izbornih lista budu pozvani od strane Vlade da sa svog aspekta daju svoj doprinos u prvoj fazi izrade Akcionog plana, posebno njegovog dijela za manjine u okviru poglavlja 23.

U BNV-u održan treći po redu akreditovani program stručnog usavršavanja NTC sistema učenja namijenjen pedagozima, psiholozima i defektolozima u nastavi na bosanskom jeziku u Sandžaku, a u Kulturnom centru u Novom Pazaru tribina o kreativnom učenju za roditelje učenika u nastavi na bosanskom jeziku

UČENJE KROZ IGRU BRŽE RAZVIJA FUNKCIONALNO ZNANJE DJECE

NTC seminar autora dr. Ranka Rajovića i Uroša Petrovića održan 25. i 26. decembra, akreditovan je odlukom Zavoda za unapređivanje obrazovanja i vaspitanja.

Na seminaru su predsjednik Izvršnog BNV-a, prof. dr. Hasim Mekić i autor dr. Ranko Rajović istakli u svojim obraćanjima da je NTC sistem odličan način učenja koji pomaže djeci da kroz igru, bez napora, lakše nauče lekcije i brže razvijaju funkcionalno znanje.

Bošnjačko nacionalno vijeće organiziralo je do sada tri dvodnevna akreditovana NTC programa istih autora i do sada ih je završilo 115 učitelja, od-

gajatelja, psihologa, pedagoga, defektologa i stručnih saradnika koji su uključeni u obrazovni proces na bosanskom jeziku.

U sklopu edukativnog programa roditelja čija deca pohađaju nastavu na bosanskom jeziku, u Koncertnoj dvorani Kulturnog centra je 26. decembra održana tribina o kreativnom učenju, na kojoj su takođe govorili autor Rajović i profesor Mekić, predsjednik izvršnog odbora BNV-a.

Oni su ocijenili da je ostvarivanje efekata kreativnog učenja konkretno postignuće djece i onih koji se bave njihovim obrazovanjem i odgojem.



Na petoj redovnoj sjednici Vijeća usvojen je rebalans budžeta za 2015. godinu i budžet Vijeća za 2016.

PETA REDOVNA SJEDNICA VIJEĆA

U povodu posjete Predsjedavajućeg Vijeća ministara Bosne i Hercegovine gospodina Denisa Zvizdića, Bošnjačko nacionalno vijeće sazvalo je 29. decembra i svečanu sjednicu na kojoj se gost obratio vijećnicima, bošnjačkim narodnim poslanicima i predsjednicima sandžačkih opština koji su bili gosti na sjednici

Predsjedavajući Vijeća ministara Bosne i Hercegovine Denis Zvizdić razgovarao je sa predsjednikom Dr. Sulejmanom Ugljaninom o položaju bošnjačkog naroda u Srbiji, o izazovima sa kojima se susreću i projektima na kojima rade legitimni predstavnici Bošnjaka. Izražavajući dobrodošlicu Predsjedavajućem Vijeća ministara Bosne i Hercegovine, predsjednik BNV-a Dr. Sulejman Ugljanin, istakao je važnost posjete visoke delegacije iz Bosne i Hercegovine i tom prilikom rekao da su „Bošnjaci Sandžaka civilizovan, kulturni, miroljubivi i dobro organiziran narod koji punih 25 godina, preko svojih legitimno izabranih predstavnika, kroz institucije sistema, radi na očuvanju i zaštiti svog bošnjačkog nacionalnog identiteta i ostvarivanju individualnih i kolektivnih prava Bošnjaka u Republici Srbiji.“



Takođe predsjednik Ugljanin je istakao da Bošnjaci, preko Bošnjačkog nacionalnog vijeća i ostalih legitimno izabranih predstavnika, aktivno učestvuju u četiri važna programa na evropskom putu Srbije: reformi političkog sistema Srbije, izradi manjinskog Akcionog plana za Poglavlje 23 i drugih pregovaračkih poglavlja, izradi novog krovnog zakona za ostvarivanje prava i sloboda nacionalnih manjina i usvajanju Rezolucije o genocidu u Srebrenici u Skupštini Srbije, kako bi se obezbijedila satisfakcija porodicama žrtava, vratilo povjerenje u državne organe i skinula odgovornost za počinjeni genocid nad Bošnjacima sa države Srbije i svih budućih generacija srpskog naroda, za zločin koji je neko učinio u njihovo ime.

U svom obraćanju dr. Ugljanin je istakao važnost pristupanja Srbije Evropskoj uniji i posebno naglasio da Srbija i BiH treba da rade na rješavanju otvorenih



pitanja između dva naroda bošnjakog i srpskog i dvije države Bosne i Hercegovine i Srbije.

Predsjedavajući Vijeća ministara Bosne i Hercegovine Denis Zvizdić je izrazio veliko zadovoljstvo što se nalazi u najvišem predstavničkom tijelu Bošnjaka u Srbiji i da mu je drago što može iz prve ruke da čuje o problemima i izazovima sa kojima se susreću Bošnjaci u Srbiji.

Gospodin Zvizdić je upoznao sve prisutne sa trenutnom situacijom u BiH i otvorio mogućnost uspostavljanja novih vidova saradnje sa opštinama u regionu Sandžak naročito u oblasti ekonomije.

Na kraju svog obraćanja Predsjedavajući vijeća ministara Zvizdić je rekao da će Bosna i Hercegovina na putu evropskih integracija posebnu pažnju obratiti položaju Bošnjaka Sandžaka.





Bošnjačko nacionalno vijeće

organizuje
program za djecu
od I do VIII razreda osnovne škole

„OKTOBARSKI LJILJANI“

PROGRAM:

- Lutkarska predstava „Nekad i sad – ni nalik!“
- Predstava sjenki „Bošnjački adet“
- Recital „Na pravi sam ti put, majko, iziš'o!“
- Recital „Jezik moj bosanski“



Realizatori programa:

mr. Amela Isanović i učenici srednjih škola iz Tuzle, BiH

Kulturni centar u Novom Pazaru
25.10.2015. godine (nedjelja) u 13 sati
Ulaz besplatan



Realizatori progi
mr. Amela Isanović i učenici sredn

Mala sala Doma kulture u Prijepolju
27.10.2015. godine (utorak) u 12 sati
Ulaz besplatan

Sala Multimedijalnog centra u Tutinu
26.10.2015. godine (ponedjeljak) u 10 sati
Ulaz besplatan



Bilten